



THE OATH OF HIPPOCRATES

I SWEAR BY APOLLO THE PHYSICIAN AND AEsculapius AND HEALTH AND ALL-HEAL AND ALL THE GODS AND GOODESSES THAT ACCORDING TO MY ABILITY AND JUDGMENT I WILL KEEP THIS OATH AND THIS STIPULATION 4 4 4 4 4

O RECKON HIM WHO TAUGHT ME THIS ART EQUALLY DEAR TO ME AS MY PARENTS AND AS MY CHILDREN IN STANCE WITH HIM AND BELIEVE HIS NECESSITIES IF REQUIRED. TO LOOK UPON HIS OFFSPRING IN THE SAME FOOTING AS MY OWN BROTHERS. ANO TO TEACH THEM THIS ART IF THEY SHALL WISH TO LEARN IT. WITHOUT FEE OR STIPULATION. ANO THAT BY PRECEPT LECTURE AND EVERY OTHER MODE OF INSTRUCTION I WILL IMPART A KNOWLEDGE OF THE ART TO MY OWN SONS AND THOSE OF MY TEACHERS AND TO DISCIPLES BOUGHT BY STIPULATION AND NOT ACCORDING TO THE LAW OF MEDICINE. BUT TO NONE OTHERS 4 I WILL FOLLOW THAT SYSTEM OF REGIMEN WHICH ACCORDING TO MY ABILITY AND JUDGMENT I CONSIDER FOR THE BENEFIT OF MY PATIENTS. AND ABSTAIN FROM WHATEVER IS CELETERIOUS AND MISCHIEVOUS 4 I WILL

GIVE NO DEADLY MEDICINE TO ANYONE BE ASKED. NOR SUGGEST ANY SUCH COUNSEL AND IN LIKE MANNER I WILL NOT GIVE TO A WOMAN A PESSARY TO PRODUCE ABORTION. 4 WITH PURITY AND WITH HOLINESS I WILL PASS MY LIFE AND PRACTICE MY ART. 4 I WILL NOT CASTRATE ANYONE. NOT EVEN THOSE LABORING UNDER THE STONE. AND WILL SHUN MEN WHO ARE PRACTITIONERS OF THIS ART. UNLESS THEY ARE HUSBANDS. I WILL GO INTO THEM FOR THE BENEFIT OF THE SICK. AND WILL ABSTAIN FROM EVERY VOLUNTARY ACT OF MISCHIEF AND CORRUPTION. AND FURTHER. FROM THE SEQUECTION OF FEMALES OR MALES OF FREEMEN AND SLAVES. 4 WHATSOEVER IN CONNECTION WITH MY PROFESSIONAL PRACTICE OR NOT IN CONNECTION WITH IT I SEE OR HEAR IN THE LIFE OF MEN WHICH OUGHT NOT TO BE SPOKEN OF ABROAD. I WILL NOT ONLY KEEP A SECRET BUT ALSO ALL WHICH SHOULD BE KEPT SECRET. WHILE I CONTINUE TO KEEP THIS OATH UNVIOLATED. MAY IT BE GRANTED TO ME TO ENJOY LIFE AND THE PRACTICE OF THE ART RESPECTED BY ALL MEN. IN ALL TIMES. BUT SHOULD I TRESPASS AND VIOLATE THIS OATH. MAY THE REVERSE BE MY LOT. 4 4

Josiah Charles Trent, M.D.

Duke University Medical Center Library
Trent Collection



Digitized by the Internet Archive
in 2016

<https://archive.org/details/miraculumnaturae01swam>

JOHANNIS SWAMMERDAMI,
Amstelædamensis, Med. D.


MIRACVLVM NATVRAE
Sive
UTERI MULIEBRIS
FABRICA,

notis in *D. Job. van Horne* prodromum
illustrata, & tabulis,

*A Clariss. Expertissimisque Viris cum ipso archetypo
collatis, adumbrata.*

Adjecta est nova methodus, cavitates corporis ita præparandi,
ut suam semper genuinam faciem servent.

Ad Illustriſſ. REGIAM SOCIETATEM
LONDINENSEM.



LUGDUNI BATAVORUM
Apud SEVERINUM MATTHÆI,
M. DC. LXXII.

Nes
Swanmerdum

Illustriſſimæ, Sapientiſſimæque
REGIÆ SOCIETATI
LONDINI AD PROMOVENDAS
BONAS ARTES ET SCIEN-
TIAS INSTITUTÆ,
JOHANNES SWAMMERDAM Med. D. S.

LLUSTRES SAPIENTIſſIMI-
QUE VIRI: Quod unicè in votis erat,
ut una eademque opera ſimul hoc quic-
quid est libelli, et ipsum illum, de quo
potiſſimum agit, muliebrem uterum,
uterique figuræ *Excell.* *Uræ* offerrem; id
vero, rerum humanarum moderatrix
divina pròvidentia discussit. Nec tamen
gravis illa, qua nunc premimur, tem-
porum calamitas, impetrare a me po-
tuit, ut quam *Illustriſſimo nomini* *vestro* vovi
& debeo reverentiam, ceu defertor sta-
tionis, & profugus in aliena caſtra mi-
les exuerem. Et certe brutorum bel-
luarum-

luarumque conditione pejor hominis
conditio esset, si dum armis certatur, &
sicam sica retundit, ne suum quidem in-
nocentibus Musis & virtuti debitum
honorem tribuere citra perduellionis
crimen liceret. Me quod attinet, quo
testatior publicè meus erga *Excell. Uram*
& naturalis Philosophiæ studium affe-
ctus, nec non methodi, quæ in secundis
præparandisquè corporis partibus utor,
summa utilitas sit, non hunc modo libel-
lum, libelliique comitem uterum, sed
auctarii loco, & majoris demonstratio-
nis ergo, præter hymenem, ipsas etiam
humani lienis venas, & insignes arteriæ
hepaticæ ramos, nec non vitulini lienis
arterias vobis *Illustres sapientissimique Viri*
do, dono, consecro: id unum obnixè
rogans, ut, quæ vestra eruditio est, & in
bonas artes gloriamque Dei affectus,
singula ad amissim rationis & expe-
rientiæ vocetis, & si quæ monenda vi-
debun-

debuntur, liberè & pro ea qua polletis
autoritate moneatis. Ut ut etiim inde-
fesso studio, & frequenti rerum anato-
micarum tractatione id assecutus sim, ut
abstrusissima quæque corporis vasa, nec
non minutissimos venarum arteriarum-
que ramulos, nulla arte parenchymate
suo exuendos, & varias eorundem
frequentissimasque circa extremitates
anastomoses, ac rete, quod singillatim
efficiunt mirabile, levi opera produce-
re in conspectum, & partes a partibus,
heterogenea ab homogeniis separare,
et singula seorsim exhibere facile
possim; fungus tamen sim, si vel *Illi-*
strissimæ Societatis vestræ industriam & judi-
cium me superaturum, vel, quod gra-
vius est, impervestigabilem, et nun-
quam satis deprædicandam Naturæ
in struendo homine sapientiam præ-
aliis assecuturum me putem. Quin
ut cuivis facile constat nullius jurandum

esse in verba magistri, nec alium meliorem
in rebus anatomicis ducem esse, quam
proprium oculum; ita sat scio, nec late-
re quenquam potest, majoris momenti
esse plurium oculorum, quam unius o-
culi testimonium: & alioqui nescio quo
fato factum sit, ut, quomodo Christianus
orbis non minima religionis suæ incre-
menta vestræ genti debet, ita ultimis
difficilimisque his temporibus apud vos
inventa sit ratio, qua, missis inanibus
scholasticorum disputationibus, bonæ
artes & scientię in solido locentur: quod
ipsum ut non postremam gloriæ vestræ
partem absolvit; ita in causa est, ut in na-
turalis Philosophiæ negotio ad nullum
aliud quam vestrum tribunal provocare
vel ausim, vel debeam. Valete *Illustres sa-*
pientissimiq; Viri, & me, quod facturos vos
spero, favore vestro dignum putate.
Dabam Amstelædami, ipsis Calendis
Maji, anno M. DC. LXXII.

JOHANNIS SWAMMERDAMI,

Amstelædamensis, Med. D.

UTERI MULIEBRIS

Stupenda fabrica, non una
ratione illustrata.

AR S naturam æmulando suos semper defectus prodit. Quare, utut dextrè magnus ille statuarius *Phidias* propriam suam imaginem Minervæ clypeo insculpsérat, fracto tamen clypeo omnis *Phidias* imago periisset. Usque adeo artis opera imperfectionis notam semper secum ferunt, ut statim ac nata sunt redigi in nihilum possint: cum econtra Naturę opera (Oadmirandam! o adorandam sapientiam!) tantæ perfectionis sint, ut toto corpore, & singulis sui corporis partibus majestatem artificis ostentent: & quomodo summus ille plastes hujus universi in omnibus suis operibus quasi visibilis est; ita in minutissimis eorundem partibus quasi manu palpari possit. Etenim, quo naturæ opera magis confringuntur, & in partes dividuntur, eo inimitabilis eorundem structura magis magisque detegitur & innotescit.

Anno proxime elapso hoc ipsum accurata uteri virginei figura demonstravimus, & quantum in nobis fuit, exigua hac corporis humani particula incomprehensibilem Creatoris sapientiam quasi manibus palpandam dedimus. Id quia pluribus bonis eruditissimisque Viris gratum acceptumque fuisse certo scimus, ipsa rei ratio nos cogit, uti ne otio tempus transfigamus, sed qualecunque illud est, quod naucti sumus talentum, in publicos usus impendamus, & detegendo pro virili naturæ secreta, Dei in naturæ operibus elucentem sapientiam, quam id fieri commodissimè poterit, in conspectum producamus. Et certe, nisi id fieret, oppido ingratus essem erga Deum,

Deum, cuius mera benignitate mihi contigit, istiusmodi rationes & media invenisse, ut exiguo admodum temporis spatio, & quasi in momento maximam partem eorum, quæ in humani corporis, aliorumque animantium fabrica notata maxime digna sunt, demonstrare possim, id quod subiecta ute-ri figura uberius, ut spero, docebit.

Accedit alia etiam, quanquam minoris momenti ratio, quod mihi occurrentum illis esse video, qui cum priori meæ uteri figuræ Clarissimi quondam, expertissimique Viri *D. Iohannis van Horne*, Anatomiæ dum viveret, atque chirurgiæ in Academia Lugduno-Batava Professoris nomen adscriptum videant, in ea opinione esse poterant, ac si, aliena pro meis venditando, palmam alii debitam mihi arrogare vellem. Quare, ut simul clarissimi illius Viri memoriæ, quæ apud me sancta est, nec non aliorum curiositatí, & famæ nominique meo satisfiat, tria nunc quidem peragere, decrevi.

I. Prodromum magni illius Viri *de partibus generationis in utroque sexu*, qualis anno CIC DC LXVIII apud Gaasbekios exiit, ordine sequemur, adjectis quæ ex usu videbuntur: eo-que absoluto, novam uteri puerperæ, & priorem uteri virginei figuram subjiciemus, & quæcunque explicandis his inserviunt, suo loco docebimus.

II. Generalem quandam, & jam, ante aliquot annos à nobis inventam methodum exhibebimus, cuius beneficio cava-
tates corporis, venæ scilicet arteriæque, ita præparari pos-
sunt, ut simul in oculos incurvant, nec non eandem semper
faciem servent, & archetypi loco esse possint, cum quo no-
stri & aliorum conatus & figuræ conferantur.

III. Ipsius rerū documentis demonstrabo, non priorem modo il-
lam uteri virginei, quam edidi, figuram, utut vivo adhuc & vi-
dente *D. van Horne*, anno MDCLXVII. designatam, meam esse,
sed ipsa etiam prodromo contentâ utriusque nostrum indu-
striae & communibus studiis deberi: ita tamen, ut sumtuum
ratio ad *D. van Horne*, laboris & dispositionis ad me rediret.

CAPUT I.

C A P U T I.

*Quo Prodromus D. van H O R N E breviter illustratur,
nec non uteri muliebris fabrica perspicue explicatur &
adjectis tabulis omnibus examinanda proponitur.*

Principio nihil referre arbitramur, pluribus deducere , quid in causa fuerit, cur Vir alioqui generosissimus, hunc suum prodromum emiserit : ipse enim satis fese explicat, ut hac quidem in parte commentario opus non sit: ipsum ergo audiamus loquentem:

Constitueram euidem, R O L F I N C I Clarissime, nihil me scripto editurum de iis, quæ abhinc longo tempore observaveram circa structuram partium generationi inservientium in utroque sexu, priusquam omnes illas observationes denuò licuisset ad incudem revocare in diversis subjectis; quorum inopia quia labrabam, super sedere satius putavi, ut tandem absolutior in lucem prodiret historia. Sed quia, ut proverbio fertur, præstat prævenire quam præveniri, jamque recens hoc ipso die è typographia exiisset Epist. D. Doct. de Graeff in qua mentio fit similium observationum, nescio an meis omni ex parte conformium, ne mihi ipsi defuisse videar, necessitatem video mihi impositam ut in anteceßum rūm aliquod dem meorum conatum, donec liceat pleno cado admetiri quæ curioso Lectori satisfacere possint. Non me latet, posse uno eodemque tempore, diversis in locis, ab iis qui nullum studiorum mutuum habent commercium, observari atque notari talia, quæ deinde judicabuntur ex eadem prodiiſſe pharetra; sed scio insuper, magnam aperiri & pandi januam ad lites & fugillationes, ne dicam calumnias, quas siccirco declinare, judico cordati esse hominis, suoque otio abutinolentis.

Similiūm observationū. Non indistinctē de omnibus, sed de virorum, non mulierum partibus spermaticis hoc intelligendum est. Ipse enim D. de Graeff fatebatur, nescire fese utrum temporis & occasionum ea ratio futura esset, nec ne ut his perscrutandis operam dare posset. Ac jam totum trien-

nium est, & quod excedit, ex quo istiusmodi prodromum, qualem D. van Horne edidit, edere, si voluisset, poterat: cum interea observationes D. Stenonis, deinde prodromum D. van Horne, ac tandem figuram ejusdem & explicationem figuræ a me editam præ oculis habuerit: ut mihi iniquè admodum agere videatur, ubi conqueritur, alios falcam immittere in messem proprie suam: cum ipse potius hoc vitio laboret, ac verum in eo evadat, quod vulgo dicitur: Qui alium judicat, se ipsum condemnat. Et certè, nisi ipse de se hoc judicium ferret, nihil cause esset, cur ad strepitum folii, & editionem mutæ alicujus figuræ, inventis, ut putat, suis timeret, & amicè invisentes turpissimæ ingratitudinis reos faceret. Profecto cæcus sit necesse est, qui dementiam infirmæ hujus suæ ratiocinationis non videt; nec ingenui hominis nomen meretur, qui talia somniat.

Veniat ergo in scenam primò Arteria Spermatica, quæ in exortu suo simplex & recta est, mox verò atque venæ conjungitur, in variis cincinnos, capreolos seu pampinos vitium imitantes, contorquetur, quæ contortuplicationes eò sunt frequentiores latiusque se expandentes, quo proprius Testem accedunt; ut vel hinc appareat optimo jure corporis Pyramidalis nomen ei impositum fuisse. Ubi jam Testis corpus attigit, subito iterum simplex fit, & anguis in modum flexuosa, decurrit per totam Testis longitudinem, usque ad oppositam extremitatem cui annexus est globus minor Epididymidis; quò cum pervenit, dividitur iterum in duos ramos insignes, hique rursus in alios minores ramulos subdividuntur, qui tandem eleganti flexu & crispsatione regreduntur versus oppositam Testis extremitatem, & descendentiibus venis occurront, partim verò intra testium sustentiam sese abscondunt, properantque ad corpus illud nervosum in medio Testis existens, ab Highmoro depictum Tab. XI. fig. I. lit. g.g.

Non est autem hoc corpus cum Highmoro pro Vase habendum, siquidem omni careat cavitate, sed inservit stabiliendis atque firmandis Venis

Venis & arteriis, hoc in loco magis unitis, & abhinc properantibus extretestem ad Epididymida.

Arteriaspermatica. Nihil a quoquam melius dici poterat, usque adeo accurata est *hujus arteriae* descriptio, ut rem ipsam propemodum exhibere videatur, quod facile animadventent, quibus placuerit, simul arteriam ipsam bene praeparatam, & figuram ejusdem penes me videre. Sciendum tamen est, in tauris hanc talem, non vero in hominibus reperiri. In hominibus enim propemodum recta via descendit & quod demonstratu facile est plurimum ab illa figura recedit, quam D. de Graef, ab ea parte, qua arteriam extra testiculum exhibet, representat. D. van Horne tunc temporis, ut ipse in prodromo fatetur, defectu subjectorum arteriam hanc in homine nondum viderat: quare, cum eidem observationes meas, quas Amstelædami, D. Sladi favore subnixus, in noscomio collegiæ, mense Martio anni CIC IC C LXVIII. transmittenrem, amicissimas mihi gratias egit, uti postea ex literis ejusdem patet. Et profecto, maximopere dolendum erat, tantæ eruditioñis & experientiæ Viro, quantæ D. van Horne fuit, exiguum aut fere nullum Lugduni accessum ad noscomium patuisse: qua in parte longe major Nobilissimi Amstelædamensium Magistratus generositas est, ut qui immerenti mihi ex mera gratia noscomium suum aperuit, ut jam omne genus subjectorum commode nancisci, & jacturam, quam morte veri Mecænatis mei, D. van Horne feceram, aliqua saltem ratione resarcire possim.

Caret cavitate: Id quam ob causam cum propriis meis experimentis pugnet non satis assequor. Hoc enim corpus propriè stabilimentum venarum & arteriarum non est; sed ex venis & arteriis componitur, & nullibi non suas cavitates habet, id quod re ipsa demonstrare quovis momento possum.

Venas quod attinet Spermaticas, eae similiter in suo exortu simplices sunt, valvulis pluribus semilunaribus, duplicata serie dispositis præditæ. Ubi attigerunt corpus Pyramidale, plures de se promunt surculos majusculos, qui deinde abeunt in minutissimos & capillares. Innituntur autem extrinsecus capreolis arteriosis, passim quoque per medios circulos ab illis capreolis efformatos, transeunt. Ibi autem videre est mirabilem anastomosin venularum ad se invicem, ita ut rete aliquod mirabile quam pulcherrime exprimant. Quæ enim de mutua communicatione arteriolarum cum venis hic somniant Autores, planè sunt contra autopsiam, quæ nullibi in corpore tales admittit, sed nobis ostendit communiones inter ejusdem generis vasæ: ut in cerebro, hepate, lymphaticis lacteisque secundi generis videre est.

Similis Anastomosis reperitur inter ramusculos Lymphaticorum, quos numerofissimos Natura posuit in testibus, nimirum in eorum superficie, nam intratunicas oriuntur, & sursum ascendunt intra abdomen cum vasis deferentibus.

Hactenus Autores consenserunt in Testium parenchymate, illudque ad glandularum classem revocarunt: ita enim superficienius aspiciuntibus appetet. Sed si quis contempletur accuratius, reperiet, totam Testium molem nihil esse aliud quam congeriem minutissimorum funicularum ne dicam an vermiculorum, qui continuatam seriem habent, atque, ut conjicere licet, concavi sunt pro seminis materia deferrenda; hanc autem accipiunt per exiguos arteriolarum minutissimorum ramusculos.

Venas quot attinet spermaticas: Hæ venæ, eadem qua arteria spermatica ratione in tauris occurrunt, & mirabili fabrica constant, ut explorare aviditatem intuentis nequeant, ob reticulatam earundem figuram, & miris modis contortas circumvoliones: & harum venarum reliquias apud me servo, una eum earundē figura: & exstat earum non levis particula apud D. a Frieshem, quæ descriptionem hanc egregie illustrat, & quam vel ob hanc causam diu admodum superesse velim. At vero

vero si eandem venam in homine consideres, ex capillaribus & ramulis majusculis illa constat, nec ullam cum figura D. de Graef convenientiam habet, id quod facile animadventent, quibus videndi copia per me fiet: duas enim illius generis, meo more præparatas penes me servo, quarum alteram arteria eleganter admodum pertransit.

Nequeo mihi temperare, quin paucis hic inseram, processus peritonæi in viris æque ac mulieribus non ultra inguina produci, id quod in diversis subjectis videre mihi contigit. Adde nec tunicam vaginalem sese multo ultra testiculos extendere: ideoque nego, vasa spermatica, quod in canibus evenire solet, cum processibus peritonæi extra abdomen ferri. Quod si verum est, ut est longe verissimum, & pluribus experimentis a me comprobatum, dilatatio peritonæi in herniosi longe aliter capienda erit quam hactenus factum est. Præterea compertum mihi est, in hernia intestinali non semper dilatari processus, sed dilatationi peritonæi ubivis locum esse. Curiositate ductus integrum saccum dilatati peritonæi asservo, in quo intestina herniosi occlusa fuerunt, ubi nullo negotio vasa spermatica (quæ itidem apud me sunt) separare mihi licuit: ut iam vasa spermatica in viris multo potius secus peritonæum & cum eodem decurrant, quam ut cum eodem extra abdomen ferantur. Et processus quidem peritonæi, balsamo infectos eadem qua sese in inguinibus ratione naturaliter offerunt, satis elegantes exhibere possum.

† Porrò admirabiles & inexplicabiles hæ circumvolutiones ubinam incipient, explicari nequit; sed tandem per angustum aliquod foramen elabuntur in majorem Epididymidis globum; quem si examinemus, transparebunt per membranam ejusdem anfractus hi atque funicularum gyri, ferè ad modum anfractuum cerebri. Atque sic eadem methodo per longitudinem Epididymidis transeuntes, versus minorum globum, (ferè ut depinxit Higmorus Tab. xi. fig. 2. litt. d. d. d.)

tandem fatiscentes, simplices evadunt, atque sic iterum intra abdomen ascendunt, ut ad vesicæ posteriora cum urethra jungantur.

Porro admirabiles & inexplicabiles : Hoc illud ipsum est, quod Dathirius Bonglarus, qui, uti postea ex Transactionibus Philosophicis cognovimus, Anno C15 I5 CLXIIIX hos tubulos spermaticos detexit & delineavit circa eadem desiderari ait. Tria enim sunt, quæ circa tubulos seminales, & vasa [ut vocat] testicularia scire exoptat. I. An vasa testicularia numero plura, vel unicum multiplici flexura breviatum sit. II. An ubi & quomodo cum præparantibus coeant, ut materiam hauriant feminalém. III. Quæ & qua parte ipsorum cum ductu intercedat connexio pro seminis commeatu. Ad primum quod attinet, D. de Graef figura quartatabulæ quartæ, libri de virorum organis, testiculum in viginti numero segmenta dividit, decem ab una, decem ab altera parte lobulos exhibendo, & suum cuique seorsim vastesticularare decurrent, assignando, quod [ut ipse quidem ait] tunicam albugineam pertranseat, & cum epididymide conjungatur : qua ratione, non unum, sed plura vasa testicularia statuuntur.

Sedenim, cum tubuli testicularum simul plures numero sint, & nequaquam eo, quo adumbrantur, modo deduci alii ab aliis possint, nec regulariter ita sese exhibeant; cumque membranas, quibus ambiuntur, & quibus ubivis fortiter affiguntur, sectione vel abrumpendo secernere necesse sit, qua ratione tortuosæ illæ flexuræ vasis testicularis simul disrumpuntur; hinc adeo fit ut hæc figuræ mihi non parum suspecta sit: & ferè est, ut dicere audeam, more solito delineatam esse hanc figuram, id est aliqua oculis, plura imaginationi tributa esse; & cum ductum venarum & arteriarum in testiculis hactenus ignoret facile fieri potuit ut hoc ei imposuerit: quod ipsum Deo volente tum demum proprius & distinctè apparebit ubi observationes meas, jam affectas & quæ porro absolvendæ erunt

erunt in lucem dedero. Ut enim verum fatear, hæc talia pro rebus derelictis habui tam quia à litibus naturaliter abhoreo quam quod de primo inventore quæstio est , quam litem meam facere nolim.

Secundum Dathirii postulatum quod concernit , D. Klar-kius præter vasa testicularia & sanguinea glandulas aliquot in testiculis locat , contradicentibus D. Edmundo Kinck , & D. de Graef. Eigo illa quæstio an, ubi & quomodo cum præpara-rantibus coeant, haçtenus indecisa manebit, idque eo magis quod in testiculis humanis passim aliquot membranæ occur- runt, quæ non exiguum hic illic connexionem habent. Et certe in talparū testiculis vasa testicularia non nisi forfice, cultro vel quo simili instrumento dividi possunt, ut taceam in tauris cir- ca vasa testicularia aliud quoddam quasi combinationis genus occurrere, quod glutinosum esse videtur, & vasa in nonnullis usque adeo arctè connectit, ut fere invisibilia evadant.

Ad tertium : Quandoquidem ductus Highmorianus non nisi ex venis & arteriis constat, solutio hujus tertiae quæstionis in promtu est : nimur vasa testicularia nullam cum ductu connexionem habere, sed cum epididymide continuari.

Nullam autem habent omnino cum Vesiculis seminalibus com- manionem, utpote quæ totò cælo ab Epididymidibus differant. Nam vesiculæ per duo peculiaria foramina sese exonerant intra urethram, distincta ab iis per quæ materia seminalis è ipsis deferentibus excidit. Unde licet discere, triplicem esse materiam seminis , unam quæ venit à testibus , alteram quæ procedit à Vesiculis, tertiam quæ ex glandulis prostatis per multos minutissimosque meatus (quos descripti celeber- rimus Veslingius Syntag. Anat. Cap. VI. §. II. edit. Pat,) ope muscularum in utrethræ cavum propellitur.

Nullam autem habent omnino; Etiam hæc descriptio vesicula- rum seminalium non nisi in tauris locum habet, & usque adeo accurata

accurata est , ut a veritate ne minimum quidem aberret. In hominibus exiguo discrimine seminales hæ vesiculæ , non in urethra , sed ipsis vasis deferentibus exitum sortiuntur; ita, ut aliquam materiae seminalis partem eadem via procedere necesse sit , per quam semen ipsum è testiculis defluit ; adeoque hic tractus communis quædam & quasi regia via vocari possit, utut solum vas deferens in urethra terminetur, non vero seminales vesiculæ, quod postremum D. de Graef figura I tab. VI sui operis velle videtur, cum tamen figura II ejusdem tabulæ contrarium, & quidem rectè exhibeat.

Ergo , quemadmodum vesiculæ seminales, in tauris pluribusque aliis animalibus, per duas distinctas aperturas in urethram exeunt & plane ab epididymidibus differunt, nec ullam cum deferentibus communicationem habent: ita etiam (ut dictum est) in hominibus; hoc solo servato discrimine , quod ductus eorundem ad urethram usque non extendantur. Recte ergo D. van Horne vasa deferentia cum vesiculis seminalibus communicare negat : nullibi enim id fit , sive bruta sive homines respicias, nec unquam contrarium probabitur , cum ipsæ materiam seminalem generent. Frustra ergo sunt D. Klark, & D. de Graef, cum exprimento probare nituntur, vasa deferentia cum vesiculis communicare. Etenim liquor, ope siphonis per deferentia immissus, necessario vesiculos implet, antea quam per urethram exeat. Jam urethrae caruncula , cum antagonis tam non habeat, in vivis, præterquam tempore coitus, semper clausa est; ut de mortuis facilimum sit judicare. Sed hæ rationes, ut ego quidem arbitror parum apud prædictos Dominos poterunt. Placeat ergo illis, liquorem suum factò foramine, per extremitatem vesiculæ injicere & deprehendent, vasa deferentia expleri, antea quam liquor per urethram exeat. Usque adeo fallax magister est minus circumspectè captum experimentum: & tamen hoc solo debili fundamento nixus D. de Graef, non veretur, tantæ eruditio-

eruditioñis & experientiæ virum, quantæ D. van Horne erat, domum suam invitare, ut ei ostenderet, quod in rerum natura non erat. Mihi certe gratissimum esset illa ratione a D. de Graef invitari, nisi animus a jurgiis & contentionibus plane abhorreret. Nihil ergo ad rem facit, si dicamus vesiculos seminales duabus distinctis aperturis in urethram patere; sed hoc demonstrandum erat, easdem cum deferentibus communicare, id quod D. de Graef nunquam efficiet. Etenim ratiociniis uti in rebus ubi structura partium & experimenta consulenda sunt, nec non dicere, eundem liquorem in eodem ductu, ob intrinsecam partium structuram contrario cursu hinc inde ferri, haud secus a homines Lutetiæ Parisiorum & alibi per eosdem vicos vel plateas eunt redeunque, id vero nihil aliud est quam arcem arenæ imponere, quam supervenientes fluctus veritatis facile subvertunt.

Omnem ergo communicationem nego; unde necessariò sequitur plures unâ seminales materias esse. D. à Horne non semen triplex, quod D. de Graef eidem affingit, sed materiam feminis triplicem statuit. At vero omnibus bene persensis quadruplex mihi in homine materia esse videtur, ex qua semen constituatur: quarum prima ex testiculis; secunda ex fine deferentium; nam & hæc materiam seminalem secernunt; tertia ex vesiculis seminalibus; quarta ex prostatibus prodit.

In multis animalibus, tauris scilicet, erinaceis, talpis, muribus majoribus, aliisque, hoc perspicuum est, & magis quam in homine appetet: & erinaceorum quidem vesiculae seminales nonnunquam ipsis testiculis quintuplo majores, & artificiosè admòdum fabricatae sunt: idemque ferè in talpis muribusque majoribus obtinet, quod tum demum apparebit ubi observationes nostras in publicum emiserimus: interim si qui sunt rerum naturalium amatores, hæc talia apud me videre poterunt. Porro quod dicimus vesiculos spermaticas semen secernere, ex eo, me quidem Judice, perperam infert D. de

Graef supervacuum esse testiculorum structuram : certe enim hoc ci attendendum quam maximè erat , Deum in omnibus corporis partibus æquè mirabilem esse , id quod ei vel ex sola arteriâ spermatica liquere potest , cuius structura , ut in homine simplex & uniformis , ita in tauris stupendi operis & artificii est.

Jam in supradictis animalibus itidem quatuor distinctæ partes sunt, in quibus materia seminalis conficitur: at vero specialiter determinare , utra earum in generatione prædominetur, id meo quidem judicio difficile dictu est. Propior tamen vero sententia ferri posset, si quam facile testiculi eruuntur, tam in proclivi esset , salvis testiculis vesiculos vel prostatas eruere, quod genus experimenti D. de Volder , Philosophiæ in Academia Lugduno Batava Professor, non sine magna ratione mihi proposuit.

Penis quoque structura plena est admirationis. Corpora enim nervosa , extrinsecus quidem dura sunt , interius planè cavernosa (ferè ad eum modum quo Pulmonum cavernulas depinxit Malpighius) per quas cavernulas oberrant arteriæ cum venis. imò tota urethra cincta est ejusmodi cavernoso corpore. Adeout facile nunc sit intellectu, cur tam magna adsit in pene tensio , & tam impetuosa seminis per eundem ejaculatio.

Penis quoque structura. Decennium jam est ex quo circa structuram penis in canibus occupatus fui, occasionem suppeditante Harveo , qui sanguinem calidum innatum , humidum primogenium & spiritum vocat , id quod profecto consideratione dignissimum , & forte nimis verum est. Verba ejusdem exercitatione Lxx.de calido innato hæc sunt:Nec opus est spiritum aliquem a sanguine distinctum querere, aut calorem aliunde introducere, Deosve in scenam advocate, philosophiamque fictis opinionibus onerare: domi namque nascitur, quod vulgo ab astris petimus. Ergo,

ut experimentum quoddam in materia spirituum caperem, nulla mihi commodior via videbatur, quam ut penem canis examinarem: etenim cum erectio penis maximam partem a spiritibus dependere credatur, visum fuit, eundem jam tumentem, statim ut semen ejecerat (quod contra quam D. de Graef sentit, aqueum & subtile est, & momento ejicitur) ligare, sperando, fore ut secundum communem sententiam aliquos in eo spiritus deprehenderem, aut certe secundum Harvei opinionem nihil nisi sanguinem invenirem. Quid sit? Facta ligaturâ, & alterâ venarum penis apertâ, quam octodecim, & quod excedit, valvulis præditam esse videbam, non nisi oppido purus & floridus sanguinis, qualis arteriarum, prodibat, ut jam erectionem penis non nisi a sanguine dependere mihi fatis constaret. Quare aliquanto tempore post istiusmodi experimentum, injectâ ope siphonis per arteriam aquâ, feci, & ea occasione structuram illius partis detexi; quod tamen aliquanto commodius fiet, si penem aëre postea adimplas, & siccatum cultro dividas, cujus methodi specimen postea Lugduni anno MDCLXVII in ædibus D. vander Marck, præsentibus D. D. de Wilde & Guequier exhibui.

Aliam quoque & infallibilem methodum hic proponere poteram, qua mediante penis, clitoris, aliæque partes, etiam læsæ, aëre adimpleri possunt; quod propriè illud experimentum est, cujus copiam sibi fieri D. van Horne petiit, uti postea ex literis ejusdem patebit. Sed de his prolixè in anatomicis meis curiosis agam, ubi eadem opera docebo, quoniam vesiculæ seminales præparandæ sint; quarum unam penes me seruo, cujus structura admodum curiosa est, & tribus distinctis locis in vas deferens inseritur.

Sed multo etiam plura circa penem adferri a me poterant, quæ lubens in aliud tempus differo. Interim nonnullos balsamo infectos exhibere possum, & præ cæteris duos erinaceorum penes, perquam curiosos: quod genus animalis nodum

in capite penis, ubi erigitur, acquirit, qualem canes dum coeunt in medio sui penis obtinent. Penis præterea caninus penes me est, anno M D C L X I I I . a me præparatus, cum suo nodo circa medium: ut & penis humanus, cuius nervus, arteriæ, & venæ cum suis ramis mirabili naturæ artificio arborem fere exhibent.

Porro notandum hic est, si penem erectum liges & vivum canem aperias, motum excitari mirabilem muscularum, inter & per quos arteriæ ad penem decurrunt, quod ipsum D. Stenoni, anno M D L X X I I . Lugduni Batavorum ostendi. Ejusdem generis motus, sed aliquanto illustrior videre est, in talpis, semen excernentibus, quod illis quandoque accidit ubi vivi aperiuntur. Observatione quoque dignissimum est, in his animalibus non epididymidem modo, sed vesiculas etiam seminales (quas oppido magnas habent) suos particulares musculos, quibus cinguntur, obtinere: quorum priores cum cremaстere convenient, & ex quibus de motu seminis non paulo tutius judicium ferri posset, quam hactenus factum est; ut ut firmum apud me sit, motum illum maximam partem a sanguine dependere, & semen nisi tempore coitus, vel ob similes causas non excerni vel moveri, quo tempore, ut ajunt, omnes partes corporis, non sine extensione membrorum, eriguntur, & incalescunt, qua ratione omnes musculi, partium, præcipue seminalium, & penis, motum fortiorum acquirunt, qui nostra quidem sententia non nisi propellendo è pene versus ejus caput in venas sanguini inservit, ideoque cum musculis aliis omnibus, qui antagonistam non habent, quod ad usum attinet, convenient.

Pergo ad partes Genitales Muliebres, in quibus notabilis est vasis præparantis distributio triplex, aduteri fundum scilicet, ad Tubam atque ad Testem. Notabilis quoque est anastomosis arteriæ hypogastricæ asendentis per latera colli, & arteriæ spermaticæ descendenter. Ke-

rum dum ascendit arteria, capreolata est, atque serpentino ductu inflexa (ut scribit Arantius Observat. Anat. c. 35. de arteria cœliaca) arteque uteri vaginæ lateribus agglutinata: unde decepit multos post Laurentium, qui lib. VI. cap. 9. existimat hunc esse meatum per quem seminis materia in gravidis ad collum uteri profunditur. Quamvis enim seminalem humiditatem in coitu cum voluptatis sensu emittant mulieres; illa tamen non è testibus buc pervenit, sed ex ipsa glandulosa osculi uteri interni substantia, per multos minutosque meatus exprimitur beneficio spiritus per arterias & nervos affluentis.

Quid ergo, inquies, Testes conferunt mulieribus? Plurimum profectò, & proinde cum Hoffmanno Institut. lib. 2. cap. 44. non sunt habendi pro cadaveribus Testium, imò ab ipsis totum generationis opus materiale dependet: quod enim est ovarium in oviparis, sunt Testes muliebres, utpote qui perfecta ova intra se contineant, humore scatentia, & pellicula propria circumcincta, qualia adbuc domi afferuunt inflata.

Pergo ad partes genitales muliebres: D. van Horne, absolutis partibus genitalibus virorum, transit ad partes genitales mulierum, qua in re usque adeo accuratus est, ut explicatione opus non sit: quare pauca annotasse sufficiet. Interim si quia sunt, qui in his talibus veritatem scire desiderant, adeant figuram D. van Horne, nuper a me publico datam, & uno intuitu plus proficient, quam longi temporis discursu.

Ceterum, quia de fide illius figure dubitari poterat, quandoquidem uterum ipsum, cuius ideam refert, exhibere non possum: en tibi hic adjicias duas alias figuræ, quas conferre cum archetypo vel utero ipso apud me, vel si occasio aliter ferat, scire ubi uterus existet, qui volet poterit. An vero D. de Graef, qui aliquot annis post D. van Horne prodromum edidit, idem præstare, & figuræ suas ipso archetypo röborare possit, id vero tempus docebit. Quicquid sit, certum est, duas illas figuræ venarum & arteriarum, quas mense Junio a. M. D C LXX. penes

ipsum vidi, cūm te ipsa non convenire, id quod tunc præsens præsenti dixi: Etenim venæ & arteriæ suam quæque seorsim figuram exhibebant, quod utrum fieri possit, nec ne, ute-
rus meus docebit; quare sepositis minime fucatis & obsequii plenis literis, quas super hoc negotio ad ipsum dedi, & quas, ob rationes soli ei notas responso dignatus non est; pervalim scire, quinam illi sint, qui malevoło animo proprium com-
modum cum ipsis detimento, ex figuris, quas exhibuerit,
quærere satagant.

Quid alii velint, aut ipse suspicando perperam harioletur, id me non tangit: & ut quod sentio ingenuè eloquar, jam tum edico, me in rebus anatomicis nemini, & vix ac vix qui-
dem ipsis meis oculis credere: nec est quisquam, cui in rebus, quæ experimentis innituntur, & in quibus explorandis ali-
quam mihi facultatem attribuo cæcum assensum præbere
velim: ac ne ipsis quidem oculatissimo Malpigio, cui præcæte-
ris hujus ævi Anatomicis plurimum tribuo, idque ob accura-
tim & curiosam illius Viri industriam, sed vel maxime ob in-
tegritatè ejus & fidem, quæ in his, de quibus tractat, perspi-
cue elucet, & cujus incomparabilis ejusdem liber de Bomby-
cibus illustre testimonium perhibet. Eo tamen non ob-
stante, (quandoquidem pluribus experimentis mihi constat,
quam facile veritati vis fiat, ubi alienis potius quam propriis
oculis videmus) levi in speciem argumento ductus, omnes
D. Malpigi figuras ad examen vocavi: & quanquam mole-
stissimum sit illud sectionis genus, & aliam quam vulgaris
anatome administrationis methodum requirat, omnem ta-
men illum labore, motus gravitate rei, patienter in me su-
feci: & profecto nec labor, nec judicium me meum fefellit;
non enim errata modo aliquot in figuris hic illic observavi, sed
eadem etiam opera graviora quædam detexi. Præcipuum in
quo figuræ magni illius Viri a vero aberrant, in partibus viri-
bus spermaticis & spinali medulla situm est. Ad primum
quod

quod attinet, non testiculos modo alieno loco ponit, sed figuram etiam ipsam mentem concepisse videtur; cuius erroris hæc mihi ratio sese offert, quod cum eximere ex hoc corpusculo partes illas longe tenerimas, salva naturali connexione, non potuerit, exemptas, ut commodum visum fuit, dispositi: alioqui aliter sese hæc offerunt, quam figura docet: præterquam quod vesiculas, quæ liquido sese offerunt, & a testiculis plurimum distant, nec ullam in bombicibus cum vasis deferentibus communionem habent, silentio præteriit; quod cuivis facile demonstrare potero; cum partes illas integras apud meservem.

Alterum ejus erratum in figuris in eo situm est, quod medullam spinalem, cerebro in bombice naturaliter annexam seorsim & sine cerebro adumbravit: cuius erroris hæc ratio est, quod ipse fatetur, cerebrum se in bombice nullum reperisse; qui error errorem alium peperit, scilicet suum cuique annulo in bombice cerebrum adesse, id quod detecto jam cerebro corruere necesse est. Et hæc quidem omnia satis patebunt, ubi observationes de his rebus meas jam tum absolutas in lucem edidero. Sed enim quia id, quod sub manibus est, necessario præmittendum est, aliqua de his experimentis subjicere animus est. Ergo cum Dn. Malpicio non respiraret tantum bombices, sed ramos etiam tracheæ, ubi vermis pellem mutat, cuticulam intra corpus deponere statuo, quo aliquoties peracto, ramifications tracheæ quasi in vesiculas dilatantur, & structura earundem flaccidior evadit, quæ omnia ex observationibus meis proprius patebunt, ubi eadem opera certam & infallibilem methodum præscribam anatomiae insectorum convenientem, adjecta descriptione instrumentorum ad hanc rem necessariorum.

Usque adeo etiam præstantissimorum virorum opera suis nævis non carent, id quod movere nos debebat, ut sepositâ omni propriâ laude & vanâ gloriâ, communibus studiis & mutua

mutuā charitate conjuncti, indagandis naturæ secretis operam daremus. Quantillum enim est, quod scimus, præeo, quod latet! Faceant ergo hinc, qui cum ipsi quod in commune conferant non habent, aliena pro suis venditando, laudem industriæ aliis debitam, per summum nefas sibi arrogant.

Me quod attrinet, ut omnibus bonis de ingenuitate mea constet, libentissime id quod hactenus expertus sum in publicum conferam. Invidi enim animi signum est sibi soli servare, quod prodeesse pluribus possit. Et certe non unius hominis est, cuncta, quæ hujus vel illius rei anatome requirit, exequi. Communibus studiis opus est, & communicatione methodi, nec tamen eo minus semper aliquid deerit: semper aliquid addi poterit. Cum primam manum D. Malpigii rebus admovearem, quod methodum quâ usus erat ignorarem, deploratum mihi videbatur illud negotium: singulis momentis simul industriam tanti Viri & integritatem mirabar: sed successu temporis, & forte aliâ methodo factum est, ut omnem hanc difficultatem superaverim: quanquam nullus dubitem plura a me prætermissa esse; sed hæc laurus glorioso primo inventori suo jure debetur, cui etiam hoc cum multa gratiarum actione acceptum refero, quod primus tot & tanta naturæ miracula detexit. Sed redeamus in viam.

Quomodo autem hæc ova intra uterum suscipiantur, & actuenter à semine virili, postea in Tractatu meo exponam. Neque enim res eas tam absurdâ videbitur, ac prima fronte appareat, præsertim apud eos qui Tubæ uterinæ (in brutis vocantur cornua) constitutionem norunt: aperta enim est intra uterum, atque altera sui extremitate flattum liquoremque insussum emittit, seque expandit, diductu fimbriarum, instar orificii Tubæ æneæ: porrò magis probabile erit hoc dogma iis, qui legerunt aut observarunt aliquando fætum intra hasce Tubas repertum fuisse. vid. Riol. l. anthrop. c. 35.

Quomodo

Quomodo autem hæc ova intra uterum suscipiantur. Cum nihil non in utero admirandum sit, valde tamen insolens auribus nostris & mirabile videtur, si dicamus, mulieres ovarium habere, & instar quorundam aliorum animantium ova ponere: nec tamen eo minus apud me certum est, testiculos mulierum instar ovarii esse, & structura sua cum reliquis animantium ovariis convenire. Etenim ovarium, quod in avibus, nec non quadrupedibus quibusdam, chamæleonte scilicet, lacerta, aliisque botri figuram refert, in testiculis mulierum ceu uniformi & continua membrana occlusum est, eandemque botri speciem exhibet, sed ob membranæ illius interventum oculos & aspectum fugit, & alioqui unumquodque ovum suum peculiare indumentum habet, quo mediante fit, ut se mutuo non tangant.

In ranis & salamandris aquaticis, quarum unam balsamo infectam servo, hoc ovarium aliam plane structuram obtinet: utut enim ova omnia, haud secus atque in mulieribus, una communis membrana conclusa sint, ova tamen illa sese mutuo tangunt, & præterquam quod nihil inter ea intercedit, ipsa etiam membrana, quam cinguntur, exiguo flatu distenditur.

Contra vaccarum aliorumque animantium testiculi suam cum testiculis mulierum convenientiam habent.

In felibus, tam domesticis, quam zibethi, minus inter ova substantiæ reperias, quod ipsum in causa est, cur ova in hoc genere animantium per externam membranam magis protuberent: idemque in muribus majoribus, & nonnunquam in testiculis mulierum appetat, ut in priore mea figura videre est.

Et certe varium est naturæ circa has partes artificium. Etenim sunt animalia, perca, sc. lucius, nec non infecta quedam, in quibus ovarium reperias, deficentibus utero & cornubus, ut jam ovarium uteri simul & cornuum vices subire videatur. Quin in piscibus, perca præsertim, hoc notatu maxime dignum est, lactes eorundem, si usum & structuram spectes,

vesiculas seminales accurate referre, absentibus testiculis & prostatis, ut vel hinc usus vesicularum seminalium satis manifestè appareat.

D. Steno, qui primus quod sciam hoc ovarium divulgavit, anno M D C LXX. mihi retulit, mulas testiculos quidem habere, sed ovis carere, ut jam facile sit de causa sterilitatis earundem conjecturam capere.

Magnitudo horum ovorum in mulieribus non semper eadem, & figura nonnunquam oblonga & irregularis est, ut *Michael Rupertus Beslerus*, in sua nunquam visa delineatione, admirandæ fabricæ uteri muliebris anno M D C X L. editâ demonstrat, sed ita ut glandularum seu vesicularum, semen prolificum continentium, non ovorum eis nomen indiderit. Certè, raro admodum ejusdem magnitudinis hæc ova, & talia reperias, qualia ego, & forte primus priori mea figura exhibui. Ac ne in virginibus quidem eadem omnium magnitudo est, sed alia aliis majora sunt: quod ipsum nuper peritissimus anatomicæ rei *D. Stalpert vander Wiel* literis quoque suis ad me prescripsit, & plures Anatomici testantur. Præterea observatum est a me, ova quandoque in ovario citra ullam connexionem plane libera inveniri, cuius generis unum penes me est, sed minus rotundum.

Circa membranam, quæ ova in testiculo amplectitur, notandæ sunt nostræ inventionis venæ & arteriæ, quas a vasis(ut vocant) spermaticis accipiunt. De externa quadam membrana loquor, quæ ova in ovario occlusa amplectitur, & quam alia communis testiculi membrana ambit, nec absimilis est illi membranulæ, quæ ova gallinacea amplectitur & in ovario decidentibus ovis videre est.

Præter memoratam hanc membranam ipsum quoque amnion, chorion & principium placentæ & fœtus, nec non primum ejusdem alimentum ovo inesse crediderim, utut non nisi aquo humore repletū esse videatur, qui ut non unius semper ejusdem-

ejusdemq; coloris est, ita decoctus quandoq; concrescit, quandoque non item: Et sapor quidem ejusdem, cum manifestas qualitates nullas habeat, vix, ac ne vix quidem describi potest.

Admiratione dignum est, nigrum illud punctum, quod in ovis ranarum videre est, ipsum ranunculum omnibus suis partibus absolutum; albantem vero & circumfusum illum li- quorem non nisi alimentum ejus esse; quod ipsum sensim dilatatum ita attenuatur, ut exire cum velit possit; ut jam satis manifestum sit, D. Harveum naturam horum ovorum male concepisse, dum immaturi & imperfecti seminis nomen iisdem imponit. Magis mirum est, hunc ipsum ranunculum in ovario usque adeo exiguum ortus & incrementi sui principium habere, ut ferè visum effugiat, utut ipsum animal sub hac tantula mole delitescat.

Et hoc quidem vel ideo annotandum duxi, ut convenientiam majorum animalium cum minimis demonstrarem, in quibus majestas Dei non raro magis manifesta est, quam in maximis; nec minoris artificii minimorum animantium stru- cture est, quam maximorum: atque adeo hujus mei corporis structura non magis miranda est, quam vel abjectissimi cuiusque pediculi. Sola anima nostra est, quæ lumine fidei illu- strata, Dei ideam exhibit, atque hoc solo intuitu animantia alia omnia superamus, & spretis, quæ circa nos sunt visibilibus, domitisque propriis affectibus, citra ullum aliud subsidium Deo creatori nostro adhæremus.

His ergo, quæ de ovo diximus suppositis, ut jam antea anno CIC D C LXIX, cum de insectis agerem, monui, nullus mihi in rerum natura generationi, sed soli propagationi vel incre- mento partium locus esse videtur, ubi casus omnis excluda- tur: quæ si vera sunt, ut ego quidem nullus dubito, explicatu facilimum est I. cur qui brachiis pedibus vecaret, propagare fœtum omnibus partibus absolutū possit: omnes enim partes ovo continentur. Jam 11. vetus illa & famosissima quæ-

stio, an ad perfectionem fœtus requiratur seminis ab omnibus corporis partibus affluxus, ob eandem rationem facilime solvit: & III. hinc perspicue patet, qua ratione *Levi*, longe ante nativitatem suam, decimas solvisse dicatur, cum proavo suo *Abrahamo* occurreret *Melchisedecus*: nimirum in lumbis parentum suorum erat, & omnes animalis partes ovo insunt. Et IV. ipsius etiam originariæ corruptelæ fundamentum, eruditissimi Viri judicio, cui conatus & experimenta nostra subinde patent, jam inventum esset, cum quicquid est hominum in lumbis *Adami* & *Eva*œ occlusum fuerit: quibus ceu necessarium consequens adjungi posset: Ex haustis his ovis humani generis finem adesse. Sed enim quia hæc ejusmodi arcana sunt, quæ captum nostrum superant, cumque ea intellectus nostri imbecillitas sit, ut longe minimam partem eorum, quæ in oculos in currunt, percipiamus, nedum ut ea, quæ non nisi ratione colliguntur, satis assequamur, nonnulla de motu ovi ex ovario in uterus subjiciemus.

Pereruditus, & experientia Clarissimus Vir, *D. Carolus Drelincourtius*, Medicinæ practicæ, & Anatomiae in Academia Lugduno Batava Professor ordinarius, in literis suis ad me datis multo maximæ difficultatis opus esse putat, hunc motum ovi ex ovario in uterus debito modo demonstrare: eandemque difficultatem mihi movet doctissimus *D. Stalpertus van der Wiel*, Med. Doct. & Anatomicus Hagiensis: *D. Steno* tanti hanc difficultatem facit, ut dubitet, an ovum, vel materia ovo contenta in uterus deducatur.

Sed felicissimus *D. Theodorus Kerckring*, qui aliquot annis post *D. Stenonem* & *D. van Horne*, horum muliebrium ovorum mentionem facit, & *Fallopium* laudat, ut hunc ovi motum demonstret, novum quoddam, & mihi haetenus minime obvium vas ejaculatorium statuit, & contra visibilem viam, qualis est tuba Fallopii negat, eamque cæcam esse asserit, cum tamen in virginibus æque ac maritatis pateat.

Quomodo

Quomodo tamen cunque hanc rem verses, gravis certe & ardua hæc quæ movetur difficultas est. Me quod attinet, quandoquidem nullum ova singula particularem, nec universa communem ductum habent, per quem materia ovo contenta vel ad uterum, vel tubas patentes Fallopianas deducatur, facile crediderim, ovum totum loco suo moveri, referatis primo interiore ovi in testiculo membrana, & successive communi & exteriore testiculi; quo facto, ovum a cavitate tubæ patentis excipiatur, & porro motu peristaltico ad uterum deducatur, & humor ovi dilatatus, referatis membranis, nec non placenta uterina utero annexantur, id quod in brutis facilis negotio demonstrari posset, si Mecænates adessent, quos hæc cura proprius tangeret.

Tubam patere, id vero probatione nulla opus habet. Omnis circa motum ovi ex ovario in & per tubam difficultas versatur. D. Steno ut ex eo coram accepi, observavit, tubam naturaliter & semper super testiculo vel ovario sitam esse, sed citra connexionem: id quod tamen haetenus deprehendere non possum, idque ob eam forte causam, quod remotis intestinis alijsque obstaculis, tuba, quæ ovario annexa non est, & musculos quibus testiculum vel ovarium versus moveatur nulos habet, loco mota fuerit. Ergo eadem difficultas manet. Interim liquido appetet tubam intus fibrosam esse, quod ipsum in causa est, ut credam, eandem fesse, vel quod eadem continetur movere posse. Præterea, certum est, cornua uteri in brutis, quibus cum tubis plane convenit, motu non destitui, quod primus animadvertis *Harkveus*, & postea observatum est a me. Sed ne hoc quidem difficultatem tollit, ut jam non obscura modo, sed ferè indisfribilis mihi hæc quæstio videatur.

Interim non dubito, quin ovum ex ovario in uterum per tubas transseat, utut motus illius ratio me lateat, & orificium vel apertura tubæ trium digitorum latitudine ab ovario distet.

Quare cum usque adeo obscurus sit hic motus , ferè in eo sum , ut aliquod hac in re subsidium petendum putem ab ovario , & infundibulo vel oviductu illorum animantium , quæ ova ponunt , qualia sunt gallinæ , anates , aliaque.

Sed ne sic quidem satis expedita res , nec minor in his , quam mulieribus obscuritas est . Etenim ne in prædictis quidem animantibus ulla inter ovarium & infundibulum connexio est , ut jam ovum ex ovario in uterus casu deferri videatur .

In ranis , quæ una vice undecies centena ova ponunt & in quibus ova singula sese mutuo per infundibulum seu oviductum subsequuntur ; ut anatome docet , eadem difficultas est : cum orificium cornuum uteri vel tubarum duorum circiter digitorum latitudine ab ovario distet , & non modo valde angustum , sed etiam immobile sit , nec applicare sese ad ovarium , ut in avibus & sexu muliebri , possit , quæ omnia motum hunc ovi ex ovario in tubam & uterus ex obscuro obscuriore reddunt .

Cæterum quod in gallinis nonnunquam fieri observavimus , ut infundibulum membranosis suis expansionibus ipsum ovarium amplectatur ; Idem in mulieribus tempore conceptionis , ubi ovum deponitur , accidere , & tubam applicatam orificio suo ipsum ovum excipere credemus , tantisper dum meliora succurrant .

Et inveniuntur quandoque in ovario mulierum quæ pepererunt , istiusmodi cavitates & vestigia , in quibus delituisse , vel per quæ transiisse ova videri poterant .

Atque adeo minor in nonnullis animantibus , præsertim vero felibus hæc difficultas est , cum ovarium in illis a membrana dimidia sui parte patula excipiatur , quæ prope aperturam uteri invenitur .

Alia , & aliquanto major difficultas occurrit circa fœcundationem horum ovorum : quæ fœcundatio vel conceptio nihil aliud esse videtur , quam perfectioris motus communicatio , ita ,

ita, ut ovum, quod in ovario & nutriebatur & vivebat, post conceptionem, ovario relicto, perfectiore modo, atque ita nutriatur & vivat, ut jam ipsum sese curare & sustentare posse putandum sit. Sed enim quia hæc fœcundatio fortè non nisi ratiocinando, & difficulter admodum per experimenta demonstrari potest, cupidum lectorem ad eruditissimum *D. Harveum* relegabimus, qui in suo *de generatione animalium* hæc omnia fusè prosecutus est.

Quæri porro poterat, quo temporis spatio ovum fœcundum ex ovario in uterus penetrare possit, & an fœtus trium dierum naturaliter detur; item an virgines quandoque ova ponant, quæ omnia *D. Kerckringius* determinat. Sed etiam in his curiosum lectorem ad ea remittimus, quæ prædictus *D. Harveus* circa cervas, damas & pennatorum ova observavit, & maximam attentionem merentur. Interim per vellem, unicam illam *D. Kerckringii* observationem accuratius aliquanto examinatam fuisse. Sane fœtus, quos exhibet, si statu ram corporis respicias, non nihil ab his, qui frequentissimè per abortum a mulieribus excluduntur: & menstruum fœtum servo, qui *D. Kerckringii* trium hebdomadarum fœtum non superat. Sed forte præter rem erit his diutius immorari, cum non tempus modo conceptionis haud raro incertum sit, sed natura etiam non semper easdem in magnitudine corporis leges servet.

Fœtum intra hæc tubas repertum fuisse: Similimam huic relationi historiam, de fœtu scilicet intra tubam reperto, refert Harvæus, lib. de gener. anim. exc. LXIV, Et plane rejicit opinionem illorum, qui Tubas Fallopianas non nisi vasa femen deferentia aut reservantia esse statuunt, easdemque jure meritoque cornibus cæterorum animantium proportione responderet afferit. Verba ejusdem hæc sunt: In Muliere dux tubæ prope cervicis exortum in cavitatem ejus perforatae, non habentur vulgo cornibus analogæ, sed a nonnullis Anatomicis vasa spermatica,

ab aliis reservantia, vesicularum seminalium; cum tamen revera cornibus uteri cæterorum animalium proportione respondeant, ut liquido patet ex situ, connexione, amplitudine, perforatione, similitudine, atque etiam officio: quemadmodum enim alia animalia semper in cornibus concipiunt; ita etiam mulier aliquando reperta est, quæ fætum in cornu sive Tuba illa gereret, ut Doctissimus Riolanus ab aliis observatum meminit, & nos etiam propriis oculis conspeximus. Ex quibus liquet, quam imprudenter D. Isbrandus de Diemerbroeck, lib. I. cap. XXIIII. suæ Anatomes, hoc anno editæ, asserat, Johannem van Horne deceptum fuisse circa speculationem, ut vocat, suam, de ovario. Quibus præmissis porro in hæc verba prorumpit: Miror cerè, si hæc res certissima, & multis experimentis ut scribit Riolanus, comprobata sit, quod tam pauci, imo nulli alii, quod scio Anatomici, aut Medici illius uspiam mentionem faciant; quod nobis quoque (qui etiam in mundo aliquid vidimus,) aut alicui nobis noto Anatomico, simile quid nunquam occurrerit: imo, quod nec ipse celeberrimus Riolanus hac de re sibi ullam visam experientiam proferat, sed totam fidem ex duorum triumve relatu sollempmodo confirmet. Non minus miror, quod Deus singius, in genesi microcosmi, hujus apocrypha insomnia pro authenticis historiis recipiat, atque super iis fundamentum aliquod de constitutione seminis extruere velit: quod eadem etiam, tanquam veritate firmata, admittat Ioh. van Horne. Hactenus D. Diemerbroeck; cui, ut est multæ eruditionis & experientiæ Vir, facile largimur, quod aliquid, imo longe plurima in mundo viderit. Sedenim cum præallegatum D. Harvæi testimonium non viderit; cum perforationem tubarum cuvis obviam non viderit; cum, ut ipse fatetur, lib. I. cap. XXX. occasionem secandi cadavera mulierum gravidarum non habuerit, mirum non est, eundem id, de quo hic agitur, non vidisse. Haud leviter quoque hallucinatur idem D. Diemerbroeck, dum lib. II. cap. II. de diaphragmate scribit, me in tractatu meo de Respir. sect. I. cap. II. &c. scripsisse, diaphragma se extendendo thoracem dilatare: nam expressis verbis

verbis dico : *In aeris inspiratione diaphragma è fornicate planum fieri, atque sic recedens ab otiosa sua curvitate thoracem se contrahendo, etiam absque aliorum muscularum inspirationi dicatorum interventu, solum per se ampliare, & quæ sequuntur.* Sed redeamus in viam , & audiamus *D. van Horne.*

Non est quoque vera assertio Spigelii aliorumque, statuentium ligamenta Uteri rotunda concava esse , quinimo nihil aliud sunt quam minutissimæ arteriolæ , peculiari involucro donatae, ut securius pergant extra abdomen ad pinguedinem pubis & femoris partis internæ.

Clitoris in muliere parilem habet cum pene virili structuram , nisi quod urethra caret. Sed cui usui inserviat , libenter à Te discam , si otium fuerit expendere hasce Observatiunculas , Tuumque super ea re judicium promere.

Ligamenta rotunda. Quis eorundem & clitoridis usus sit minus mihi dictu difficile videtur , quam *D. van Horne* putat. Solius enim titillationis usum præbent , quam ob causam urethra in viris æque ac fœminis cavernosa est,& sanguinis impulsu distenditur , ut partes omnes reliquæ circa orificium vaginæ, ubi inferius aliquanto nymphæ & porro prope clitoridem alia duo cavernosa corpora occurunt, quibus in priora nostra designatione nomen crurum internorum clitoridis haud absurdè (ut opinamur) imposuimus cum in nonnullis subjectis cum clitoride conjuncta videantur. Præterea, quod ad hæc ligamenta rotunda attinet, notandum est , non omnia eorundem vasa circa clitoridem terminari, sed aliqua ex his ipsum ex utero sanguinem denuo ad inferiora deducere, quod in postrema sectione mea observare mihi contigit ; ideoque solers natura valvulas illis in locis inverso ordine locavit, ut regredi sanguis ad uterus nequeat , eo qui in figuris meis videre est modo.

Doleo, quod ob sculptoris inertiam, aliquas saltem & præcipue notæ figuræ addere non licuerit, quibus modo dicta graphicè depinguntur.

Doleo quod ob sculptoris inertiam. Hic benignus lector facile videt, quando prior mea figura concepta sit: at vero quo jure a me edita sit, id vero postea patebit.

Interim pro iis, qui oculari inspectione veritatem horum comprobare cupiunt, ad manus sunt particulæ, ita præparatæ, & asservatæ ut possint curiositatì satisfacere eorum, qui non cavillandi sed discendi animo aliquando accident.

Interim pro iis, Per particulas illas præparatas testiculos taurorum, nec non penem virilem & uterus muliebrem, eorumque partes intelligit, quarum aliæ apud D. a Frissem, aliæ apud me exstant. Accesit nuper curiosissimum hymen balsamo a me infectum, & attentione dignissimum, idque vel ob plurimas quæ de eodem moventur quæstiones. Hymen hoc, quod è corpore virginis, quæ seipsum suspenderat, exempti, planum illum & perforatum annulum quam proximè refert, qui vitro in tubis opticis submittitur, & omnem ulteriorem tubi aperturam claudit. Eadem enim ratione hæc perforata membrana in virginibus tubum vaginæ vel collum externum uteri claudit.

Coronidis loco hoc addam, oculari demonstratione me exhibere posse ingressum chyli in Venas Mesaraicas vulgares.

Hæc paucula sufficiant, Vir Celeberrime, in præsens. Ego autem animitus rogabo Deum Opt. Max. ut vegetam Tibi porro concedat senectam. Scribebam celeri calamo Lugd. Bat. 5. Martii st. n. anni 1668.


Coronidis loco, Quod vel quale hoc experimentum fuerit, id sæpius ex D. van Horne quæsivi, atque is mihi semper respondit, communicatis studiis id tentatum esse à nobis: quare, ut brevibus rem totam explicem, nihil hoc aliud erat, quam constrictio, vel ut vocant ligatura venarum mesaraicarum, cuius beneficio easdem chylo repletas videbamus, argumento a colore illius humoris ducto. Etenim, sanguis quandoque velut striatus & albis lineis permixtus, quandoque ceu punctis notatus apparebat: & erat, cum nihil nisi purus chylus adesset. In vena portæ sæpius chylum etiam non ligata, vidimus, & ex eadem extraximus, & plurimas mesaraicarum chylo repletas vidimus. Atque hoc illud experimentum est, de quo D. van Horne loquitur; cæterum Lectoris judicium esto: plurimas enim circa hoc negotium difficultates moveri posse video: quanquam nullus dubitem, chylum in mesaraicas procedere, id quod in anatomicis nostris curiosis latius explicabimus, ubi eadem opera, quantum quidem in nobis est, hepati suum sanguificationis munus restituemus, eoque majorem applausum hanc meam sententiam inventuram spero, quod nemo hactenus demonstrare potuit, chylum usque in lacteas primi generis deferri; ideoque in ea sum sententia, non nisi albicantem lympham esse, quicquid in lacteis videmus, & ex glandulis intestinalibus procedit, quæ succum suum ab arteriis accipiunt. Cur id hactenus perspicue demonstrare nequeam, aliquor in causa difficultates sunt, sed quas me superaturum non diffido, exhibitus in omnem evenitum experimenta illa & rationes, quæ me in hac sententia confirmant.

Antea quam figuræ meas explicem, curiosam historiam subjicere animus est, qua vis imaginationis in gravidis clare demonstrabitur. Ultrajectina mulier, cum grava esset, nonnulla in usus domesticos a propola petitura, ubi domum intrat, Nigritam vel Æthiopem videt; quo aspectu supra modum

dum exterrita ut jam loqui non posset , domum se suam recipit , nihil minus cogitans , quam fore , ut foetum ederet plane nigrum . Sed recollecto ut sit animo , contra fortem hanc imaginationem ab æque forti imaginatione remedium mutuatur , plane confidens , calidâ omnem nigredinem detergeri posse . Ergo domum rediens , statim suscitato igne calidam parat , & corpus totum à capite ad calcem probe perluit . Quid fit ? Cum jam tempus puerperii adesset , infans nascitur , dentibus omnibus integris , & totus candidus , exceptis illis partibus , ad quas aqua , cum ablueretur , non pertigerat , quales sunt interstitia digitorum in manibus pedibusque , nec non alia aliqua corporis loca , ubi manifesta nigredinis indicia & maculæ nigrae apparebant . Infantem ipsum non vidi : jam enim obierat : sed matri , quicquid hic retuli , debedo .

Aliud etiam , dum his scribendis intentus animi relaxandi gratia Amplissimi hujus nostræ urbis Thesaurarii *D. Roeterdi Ernesti* , nec non *D. parentis mei* , aliorumque conclave vel musea perlustro , sese mihi offert , minoris fortè momenti , sed quod , me judice , attentionem meretur nihilo minorem . Etenim rariora *D. Volkerti Iohannis* cimelia versans , turbinem video , cochlear (quales ostreorum) incumbentem , atque ita adnatum , ut superior testæ pars , sub qua pifcis habitaverat , quasi oneri cedens non nihil intus protuberaret , cæteroqui glabra & undequaque integra : cum econtra inferior testa , cui nihil cum turbine commercii erat , exteriore sua facie perfectam turbinis ideam , atque ipsum etiam ejusdem colorem referret . Dicas aliquid hic imaginationi analogum subfuisse , cum nihil aliud ratio suppeditet , quod producere istiusmodi effectum in opposito conchæ latere potuerit . Sed tempus est ut his missis uteri figuram brevibus explicemus : & prior quidam tabula uteri puerperæ anteriorem , posterior vero posteriorem ejus faciem exhibet . In priore notanda sunt quæ sequuntur :

Fugura I.






Figura I.

- A. A. Arteria,.
 B. B. Vena spermatica utriusque lateris, in tubas uterique fundum disseminate.
 C. C. Arteria & vena spermatica, in utroque latere corpus pyramidale constituentes & quam maxime ab illarum structura abludentes, quas in tabula Nobilis. Tulpio dicata nuperim exhibuimus.
 D. D. Membranosa uteri ligamenta, alis vespertilionum assimilata, per que vasa spermatica ad tubam disseminantur.
 E. E. Tube Fallopianæ eleganter conspicuae.
 F. F. Orificium in utroque latere.
 G. G. Rotunda & inferiora uteri ligamenta.
 H. Locus, à quo vena & arteria horum ligamentorum originem trahunt.
 I. Valvula venarum ligamenti rotundi, regressum sanguinis versus uterum impediens.
 K. K. Arteria hypogastrica utrinque.
 L. L. Vena hypogastrica. Ceterum quandoquidem tortuose venarum & arteriarum propagines difficulter admodum characteribus designari possunt, in gratiam eorum, qui cuncta accuratius rimantur, arterias à venis rubro colore secrevimus.
 M. Corpus seu fundus uteri.
 N. Cervix sive processus uteri, in cuius extremitate internum uteri orificium sese conspicendum offert.
 O. O. Arteria in fundo uteri capitulo rum vitium instar intortæ.
 P. P. Copiosæ vene per uteritunicam p. obtuberantes, & ob variam earundem anastomosin insignes.
 Q. Vagina seu collum uteri exterius.
 R. Vesica urinaria, loco suo mota atque ita disposita, ut arteria tortuosis gyris vaginam percurrentes, in conspectum venirent: quam ob causam vasa quoque ejusdem vesicæ aliquanto quam par erat longius depicta sunt.
 S. Vrethra seu fistula urinaria insertio in collum uteri.

- T. T. Vreteres ad collum uteri descendentes.
 V. V. Vreterum insertio in vesicam.
 X. Vrachi portio.
 Y. Y. Arteria umbilicales.

Figura II.

- Virginis pudendum recens è corpore exemptum delineat.
 A. clitoridis extremum glandi virili respondens.
 B. Preputium clitoridis.
 C. C. Labia pudendi.
 D. D. Nymphæ sive alæ.
 E. Orificio meatus urinarii vel urethrae.
 F. Caruncula oriscium urethre occludens & variis fissuris referata.
 G. Hymen seu claustrum virginale, vera virginitalis nota.

Figura III.

- Virginis pudendum unacum clitoride exsiccatum demonstrat.
 A. Clitoridis summa glandem penis referens.
 B. Præputium clitoridis.
 C. C. Labia pudendi
 D. D. Nymphæ.
 E. Oriscium meatus urinarii.
 F. Hymen seu virginale claustrum eleganter conspicuum.
 G. Hymen foramen oblongam rimam ab quo modo referens.
 H. H. Clitoridis crura per medium disseccata, ut interior eorundem fungosa cavernosa, que substantia in conspectum veniret.
 I. Fistula urinaria prope vesicam absissa.
 K. Vteri collum abscessum.


Figura IV.

- Hymen in secunda figura sit. C. & in tertio lit. F. notatum, separatim ostentat.
 A. Oriscium seu foramen hymenis, rimans oblongam quodam modo referens; id quod propter contractam exsiccatamque carunculam F. in secunda figura expressam accedit.
 B. Apertio pro hymene in vrethra.

Tabula II.

- Uteri puerperæ posteriorem faciem ostendit.*
- A. A. Arteriæ, &
- B. B. Venæ spermaticæ utriusque lateris, quæ postquam testibus ac tubis plurimos ramulos derunt, versus uteri cervicem cum hypogastricis arteriis atque venis notabilis patiuntur anastomoses.
- C. C. Arteriæ & venæ in utroque latere corpus pyramidale constituentes.
- D. Verum fæminarum ovarium seu testis sinister, propria sive communi tunica involutus.
- E. Membrana quæ dextrum testem tegebat ab eodem separata, ut arteriarum ductus ad ovaria (quorum minima hic tantummodo delineavimus) commode perspici possent.
- F. F. Membranosa uteri ligamenta, alis vespertilionum assimilata, per quæ spermatica vasa ad tubam disseminantur.
- G. G. Uteri cornua, seu processus teretes, a matricis fundo sursum versus, tubarum instar protensi, quos Anatomici vulgo ejaculatoria vasa esse arbitrantur, sed male: cum per eorum
- dem tortuosas cavitutes ova ex ovario in uterus provolvantur.
- H. H. Rotunda & inferiora uteri ligamenta in utroque latere.
- I. Locus à quo arteriæ & venæ dictorum ligamentorum originem trahunt.
- K. Valvula.
- L. L. Arteriæ hypogastricæ utrinque.
- M. M. Venæ hypogastricæ in utroque latere.
- N. Corpus seu fundus uteri.
- O. Cervix sive proceßus uteri.
- P. P. P. Arteriæ in fundo uteri, capreolorum vitium instar eleganter intortæ.
- Q. Q. Copiosæ venæ sub uteri tunica extuberantes, & suas hinc inde anastomoses habentes.
- R. R. Vulva, seu collum externum, vel vagina uteri, quæ ab externo pudendi ostio, ad internum matricis orificium extenditur.
- S. Urethra seu fistula urinaria, prope pudendum simul cum vagina abscissa.
- T. T. Vesicæ urinariæ facies inferior.
- V. V. Ureteres ad vesicam descendentes.
- Y. Urachi portio.
- Z. Z. Arteriæ umbilicales.

Et





Et ita quidem exterior uteri puerperæ facies sese habet. Cæterum quia minimas venarum propagines in utraquachac figura non adumbravi, quod nec ipse uterus a me præparatus easdem referret, ut quas alio artificio in conspectum producere necesse est; ex re visum fuit, priorem meam uteri virginalis figuram, anno M D C LXXI. Nobilissimo Tulpio dicatam hic inferrere, ubi minores illi venarum arteriarumque propagines exactè repræsentantur. Et certe per oportunè accidit, ut cum ipse uterus virgineus, cuius ideam sequens hæc tabula refert, casu perierit, alius sese mihi uterus benigniore casu obtulerit, qui debito modo præparatus, a priore oppido parum recedit. Et ut verbo, quæ in hoc utero recens præparato memorabilia occurunt, absolvam; etiam minimos arteriarum ramusculos hic videbis, ea ratione præparatos, ut ad detegendos illos, quod in anatomia cadaverum quandoque accidit, microscopio opus sit. Et rami quidam venarum arteriarumque reliqui mirabili naturæ artificio constant, sed multò quam in puerperis vel quæ aliquando pepererunt minus tortuosæ sunt. Jam ligamenta quoque rotunda cum venarum arteriarumque sub illis transitus valde hic conspicua sunt. Tubæ autem earumque fimbriæ cum ipsis recens exemptis elegantiâ certant, & optime cum sequente figura convenient: ac, quod maximè mirum est, nonnullæ harum fimbriarum unius lateris, cum alterius lateris fimbriis coëntes quasi arcum quendam super tubam consti- tuunt. Nonnullæ etiam exiguo in extremitate lapillos habent, & innumerabili venarum arteriarumque numero dotatae sunt, quæ, ubi sanguis recessit, nervorum specie incautos fallere poterant: idemque in venis, quæ alas vespertilionum pertransiunt, obtinet. Sed pergamus ad explicationem figuræ:

Hæc:

Hæc figura uterum virginis repræsentat, & cum prodromo D. van Horne conferenda est.

A A. Vasa spermatica utriusque lateris, ab exortu ad Testem, Tubam, & Uteri fundum desinentia.

B B. Vena & arteria spermatica, in utroque latere corpus pyramidale constituentes.

C. Testis sinister, seu dicti lateris utrum feminarum ovarium cum transparentibus ovis.

D. Vena & arteria spermatica in testem disseminata.

E E E. Membranous uteri ligamentum, assimulatum aliis vesper-tilionum, per quod spermatica vasa ad Tubam disseminantur.

F F F F. Vasorum spermaticorum cum hypogastricis vasis per latera colli crispatim ascendentibus, sub Tuba & ligamento rotundo, in utroque latere unio.

G G. Vena hypogastrica utrinque.

H. Arteria hypogastrica in utroque latere.

I I I. Demonstratio anastomoseon arteriarum uteri.

K K K K. Implicationes venarum uteri.

L L. Tuba seu cornu uteri sinistrum.

M. Tuba foramen amplum ac aper-tum, una cum fimbriis pannum at-tritum concinne emulantibus.

N. Membrana Testis dextri sepa-rata & revoluta, ut spermatico-rum vasorum ductus ad ovarium & ova commodius cernantur.

O. Tuba uteri dextra inversa, ut tanto melius ejus ampla capacitas, per quam ova ex ovario in uterum provolvuntur, in conspectum ve-niat.

P. Fimbriae Tuba dextræ uteri.

Q. Uteri fundus obscure protuberans.

R. Uteri fundus paululum apertus.

S. Patentes transversim discissorum vasorum copiosæ oræ in uteri sub-stantia.

T. Pars membranae intestinum re-ctum operiens.

V V. In utroque latere inferiora & rotunda uteri ligamenta, quæ nihil aliud sunt, quam, præter membra-nam cui inhærent, minutissimæ arteriolæ & venulæ, quæ ad clitoridem & pinguedinem pubis propa-gantur.

X X. Clitoridis crura externa.

Y Y. Clitoridis crura interna.

Z Z. Vasa in clitoridem dispersa.

a. Vesica paululum ad latus dex-trum à loco suo remota.


b. Colli vesicæ prope clitoridem in-sertio.

c c c c c c. Ureteres.

d d. Ureterum in vesicam inser-tio.

e. Hydatis.

ff. Venarum valvulae.





CAPUT II.

Generalem quandam methodum exhibet, qua uteri, aliæque corporis cavitates ita præparari possunt, ut genuinam suam faciem exhibeant, & archetypi loco inferuant, designandis earundem figuris.

Naturæ opera, ut ut æterna sint, & mirandam artificis sui manum mirificè ostentent, si propagationis beneficium demas, quo mediante in status suo conservantur, corruptioni obnoxia sunt: atque hoc non solum in plantis & vegetabilibus, sed in ipsis quoque sensibilibus locum habet, id quod Anatomici nunquam non experiuntur. Quare ab omni ævo id actum est, ut commodis remediosis huic corruptioni obviam iretur, & partes illæ, quæ nos in admirationem sui rapiunt, per aliquot annos integræ servari possent.

Et in hac quidem arte conservandi corpora earumve partes nostro tempore præ aliis eminuit piæ memoriarum D. van Horne: nec temere quenquam invenias, qui visa ejusdem curiosissima intestinorum præparatione ingenium tanti Viri non suspexerit: idemque sat scio facient, qui reliquias eorundem apud Dn. a Frieshem, pie defuncti hæredem videre dignabuntur.

Proximum ab hoc locum D. de Bils occupavit, qui musculos totius corporis exsiccando, & balsamo inficiendo industriam suam probavit; sed præter hæc plura forte promisit, quam præstare posset, id quod non ob prægnantes modo rationes, sed vel maximè ob ea, quæ ipse mihi ore proprio, & Guetshovius retulere, optimo jure suspicari me arbitor.

Hunc D. Stalpert vander Wiel excepit, discipulus D. van Horne, sed utroque major; ut qui rara arte simul corpora balsamo inficere, & conservare, nec non venas a carne, pinguedine, & parenchymate purgare, cavitates corporis aëre adimplere &, quod omnium curiosissimum, & nulli

quod sciam haec tenus datum est, ipsa etiam humentia corpora in aere exsiccare novit: quarum rerum videndi copiam cuivis petenti liberaliter indulget.

Sequitur ordine *D. Ruysh*, Chirurgiae apud Amstelædamenses Pralector, iisdem fere artibus dotatus, cuius accurate confessas res, & corpora, quivis Anatomiae studiosus bis singulis septimanis modico ære soluto inspicere potest.

Restat ut methodus, qua haec omnia peraguntur publici juris fiat, qua in re meo more perficienda nunc occupatus sum, id agens, ut secretam quandam operandi rationem tradam, qua mediante abstrusissimas quasque corporis partes, quod vel curiosissimi haec tenus præstare non potuerunt, in apricum producere liceat: & quomodo qualesunque corporis partes citra apparentem aperturam aëris beneficio expleri, exsiccati, & conservari possint. Ac non id modo *in Anatomicis nostris curiosis* docebimus, qua ratione subjectum hoc vel illud per mediæ æstatis tempora quinque vel sex septimanarum spatio conservari possit, id quod factu facilitum judicamus; Sed quomodo venæ, aliæque cavitates lœsæ, vel ad apertæ, ad perfectam rotunditatem, magnitudinem, & naturalem suam faciem deduci, & exsiccatæ ita exhiberi possint, ut eandem semper formam servent, nec concidant: quibus omnibus probe perceptis cuivis licebit venas pulmonum, hepatis, lienis, aliarumque partium, quas haec tenus non nisi collapsas, planas, & occlusas, videre licuit, apertas, atque ita præparatas exhibere, ut interior earundem constitutio, valvulae, scilicet, aliaque liquido videri possint. Et certe vere oratione fidem inventurus sim, si recensendis singulis, quæ molior diutius immorer: si cui tamen hoc tanti videbitur, me adeat, & *D. a Frieschem*, & eorum quæ dixi specimina videbit. Et apud *D. Frieschem* quidem hepar, lienē, placentam uterinam, nec non funiculum umbilicale, cum sua placenta aliaque meo more, & per me præparata videbit. Et profecto venæ ibi &

arteriæ

arteriæ eo modo præparatæ sunt, ut omnes in admirationem sui rapiant, cum haçtenus nemo illas nisi planas, occlusas, invisibiles, ignotas, & extra naturalem situm exhibuerit. Hoc hepar, de quo loquor, jam ante anno CIC DCLXVII. publicè in theatro Academico Lugdunensi à *D. van Horne* non sine admiratione omnium exhibitum est: & huic Viro, quod me iterum iterumque profiteri non piget, perfectiōnem conatum meorum fere omnium debeo. Notandum autem est, tum temporis hoc hepar tegendi artificii gratia vitro obductum fuisse.

Inter ea quæ penes me sunt, ductus thoracicus plane mirabilis & optime præparatus est: nec non ductus cholidochi, & arteriæ hepatis & alia, quæ singula recensere velle longi & tædiosi sermonis esset.

Interim ut aliquod hujus rei & commune quasi specimen edamus, quod quivis experiri facile possit, en tibi leve primo intuitu, sed magni in rebus Anatomicis momenti artificium, quo vasa omnia, ipsique etiam capillares rami in utero muliebri ita præparantur, ut non in conspectum modo prodeant, sed archetypi loco esse possint, designandæ veræ & in infallibili uteri figuræ.

Recipe ceræ albæ quantum videbitur, eamque liquefactam rubro, flavo, viridi, vel quo alio colore, qui vel magis arridet, vel rei convenientissimus est, tinge, & siphone, qui cochleâ adstrictum tubulum habeat properanter excipe, & in ramum venæ vel arteriæ uteri majorem injice, cavendo, ne intercedens aër progressum ceræ impedit; ac ne quid impedimento sit; sanguinem antea quam operi te accingas ex venis, quantum quidem fieri potest, exprime, utut rami majores alias facilime distendantur: & perinde est, sive per arteriam spermaticam vel hypogastricam cera injiciatur: idemque in venis obtinet, tantum ut valvulæ obtuso stylo pertundantur, quo facto una injectione venæ uteri omnes, earumque

partes vel ab uno latere impleri possunt: idemque in arteriis fieri potest, si tamen visibiles earundem anastomoses satis magnæ sint, nec aer progressum ceræ impeditat.

Jam quanti momenti hæc injectio ceræ sit, facile videbunt, qui figuram uteri, quam hic exhibeo, cum ipso utero cera repleto conferre volent: utut enim omnia quam accuratissimè depicta vel designata sint, uterus tamen ipse omnem sculptoris industriam mille modis superat. Hic venarum arteria umque naturalem situm, cursum, insertionem, principium, & quicquid natura mirandum & attentione dignum produxit, nec sine ingenti molestia oculis subjici potest, lìquido videbis.

Plura de usu hujus nostræ inventionis nunc quidem non addam, facturus id alias, idque ob eam maxime rationem, quod nunc idagimus, ut partes uteri singulas, & methodum, qua in præparando utero usus sum, demonstrem: qua eadem opera id assequemur, ne alii, quod nimis nunc frequens est, nostra sibi tribuant: quanquam eandem hanc methodum jam aliis Dominis, fautoribus & amicis exhibui, & quidem anno CLO IOCLXVI. *D. van Horne & D. Slado*: anno CLO IOCLXIX & LXX. Dominis *Thevenot & Stenoni*: nec non eodem anno Amplissimo *D. Consuli a Beuningen*: & anno CLO IOCLXXI post accuratissimo Chymico *D. Laurentio Fos, D. Witsen* aliisque, qui omnia hac ratione à me præparata cum maxima attentione perlustrarunt. Et certe, citra hanc vel aliam istiusmodi inventionem, cuius generis plures à nobis suppeditari possent, impossibile ferè est, in curiosa, & si id dicere licet solum vera anatomia quidquam præstare. Atque hoc ipsum probè animadvertisit Illustrissimus Anatomicus *D. Marcello Malpighius*, qui infusione argenti vivi in venas, tinctis colore humoribus, & (quod multo ante ab Amplissimo *D. Johanne Hudden* mihi communicatum est,) partes ejusdem coloris, diversi coloris humoribus imbuendo, longe plurimum

mum profecit. Quin ipse etiam ego hæc mea methodo id affecutus sum, ut non majores modo, sed minimos quoque ramos arteriæ hepaticæ, quæ carne nudari nequeunt, & numero forte plures sunt, quam ramifications venarum portæ & cavæ simul junctæ, haud difficulter detegere potuerim. Quare, cum tot in hepate arterias, minutæ quidem, sed conspicuas videam, valde miror, accuratum *D. Glissonium* & oculatissimum *D. Malpighium* arteriam hanc hepaticam parvam vocare, dum *Glissonius* in anatomia sua hepatis ait: *Pestrem nulla hujus arteriæ (loquitur autem de hepatica) pars in hepatis parenchyma exporrigitur, uti manifeste in hepatis excarnatione videre est: & propterea in vasa solum absimitur.* Quin etiam si toti hepatis parenchymati inserviendo destinata esset, debuisset saltem sextuplo major exstrui, uti manifeste constabit, si hepatis aliarumque partium dimensiones comparaveris: quippe in ipsis etiam multo minoribus, majores arteriæ reperiuntur. Quamobrem sic habendum censeo, arteriam hanc in vasa hepatis plane absumi. *Malpigi*, qui longe post *Glissonium* de hepatis structura scripsit, in illustri suo de viscerum structura tractatu hæc habet: *Ulterius in hepate eum servat natura morem, ut portæ propagines arteriarum vices suppleant.* A quibus nелatum quidem unguem discedit *D. a Diemerbroeck*, Professor Ultrajectinus, qui cum in recens edita sua anatomia ex Galeno adduxisset, arteriam hepaticam in cavam ejus partem se conferre, libro. I. cap. XIII. de hepate agens ita statuit: *Ratio Glissonii sententiam omnino confirmat: nam hepatis sufficiantia vix arteriis opus habere videtur, cum sanguis ei satis copiose affluat per venam portæ (quæ hic arteriæ munere fungitur) qui ei ob sufficiantia suæ proprietatem convenientior est ad nutritionem propriam, & fermenti bilioſi confectionem, quam arteriosus.* Hactenus illi: quæ qualia sint, (quod quidem ad arteriam attinet) ex iis, quæ modo a nobis dicta sunt, facile est discernere. Quanquam ne in eo quidem satis nobis convenit, quod *D. Malpigi*, & post eundem *D. Diemerbroeck* hepatis usum

in sola confectione bilis consistere putant, cum nostro quidem judicio præcipuum hepatis munus in sanguificatione consitstat, id quod aliquando probaturos nos confidimus.

Jam vero illud etiam deprehendo, tot fere numero ductus cholidochi esse, quot vena portæ ramifications habet, eosdemque pari cum vena portæ & arteriis ratione præparari & oculis subjici posse. Alia tamen in præparando methodus servanda est, quam in anatomicis meis docere, & figuram arteriarum, venæ portæ & ductuum cholidochi exhibere animus est.

Plura circa cerebrum, pulmones, lienem, pancreas, stomachum, & intestina, eademque haud parvi momenti detegenda restant: & quæ circa vasa spermatica in viris hactenus tabulis anatomicis designata sunt, rem aliqua tantum ratione tangunt.

Intestina quod attinet, jam tum aliquod ejus visceris specimen, & particularem figuram edidi, ut in Anatomia reformatâ *D. Bartholini* recens edita videre est. Idemque anno CICCLXVII. circa stomachum demonstravi, ut *ex observationibus nostris à Commelino editis* patet, ubi stomachum totum glandulosis tubulis refertum esse docetur: quod ipsum in intestinis quoque locum habet.

Et sane asserere ausim, nullam partem humani corporis æquè nobis notam esse ac nota nobis esse poterat: & ut prius ad scopum nostrum redeamus, figuræ vasorum spermaticorum à *D. de Graef* aliisque exhibitæ non nisi cautè & cum judicio accipiendæ sunt, quod nonnullis partibus à nobis præparatis oculariter demonstrari potest: id enim agimus, ut quæ in anatomicis subtilissima sunt oculis subjici, & à quibusvis sensu ipso perspici possint: & jam de eyentu nobis constaret, nisi majores quam pro ratione facultatum nostrarum sumtus requirerentur.

CAPUT III.

Quo ostenditur experimenta D. van Horne circa partes generationis in utroque sexu mihi quoque deberi & quicquid circa editionem prioris uteri figura factum est, jure à me factum esse.

Cum vergente anno CI^o I^oCLXVII. Leidam ad assumendum Doctoratus gradum venissem, præter *D. Professorem Sylvium*, ipsum etiam *D. van Horne*, Anatomiæ Professorem allocutus sum: cum ex eo, quod anno CI^o I^oCLXII. & LXIII. collegiis Cl. illius Viri interfueram, aliqua mihi cum eo notitia intercederet; & statim *Vir candidus* nonnulla ex me quærere cœpit, quæ ei obscuriora videbantur in tractatu *D. Stenonis de musculis*, cum quo celeberrimo Viro Lugduni Batavorum anno CI^o I^oCLXII. amicè, & postea anno cl^o I^oCLXV. Lutetiæ Parisiorum familiariter, & iisdem aliquandiu in eisdibus vixeram. His pro virili, atque ita solutis, ut verba rebus firmarem, porro à me petiit, ut sibi in difficultioribus rebus anatomicas quandoque auxiliatrices manus præberem: id quod ego indefessa Viri diligentia, & nunquam satis laudata experientia motus, eidem haud difficulter promisi.

Atque hinc superficiaria, quæ inter nos intercesserat notitia, in amicitiam, & amicitia sensim in verum & vulgari majorem affectum degeneravit: nec ille unquam permisit, ut quoties Leidam venirem, alibi quam apud se diverterem; & qua erat humanitate, omnia mihi veræ amicitiae & hospitalitatis officia prolixè exhibuit; quo nomine ejusdem jam demortui memorias hoc qualemcumque grati animi testimonium me debere profiteor. Et certe nullum postea alicujus momenti subjectum ei oblatum est, ad quod dissecandum auxiliares meas manus amicè non invitaverit, ut literis ejusdem, si resstanti esset, docere possem: & occurrabant nonnunquam istiusmodi subjecta, ubi magna attentione opus non erat. Sed raro operam ludunt, qui naturæ opera scrutantur.

Rebus

Rebus sic stantibus, cum ille mihi suas observationes, ego illi meas candidè communicarem; quæsivit ex me, essetne aliqua ratio testiculos accuratius quam haec tenus factum erat examinandi? Deliberato negotio visum est, à majorum animalium, vaccarum sc. & taurorum testiculis principium facere.

Quare comparato tauri testiculo, eoque ut fit, improvidè læso, tubulus siphonis, quem manu tenebam, casu in aperturam fertur, quo animadverso, D. Professor à me petebat, ut aquam siphone contentam in testiculum propellerem; id quanquam nulli usui futurum arbitrabar, feci tamen, & ecce interior testiculi structura sese propalam nobis offert. Etenim aqua naturaliter perspicua inter tortuosas flexiones, albi & minime perspicuè tubuli seminarii propulsa, insignem & egregiam differentiam exhibebat: ut jam quasi catenatæ contortuplicaciones tubulorum illorum spermaticorum nulli melius quam in aqua sese ostentent. Et hæc quidem simplex, & nullo præmeditante, sed solo casu inventa operandi ratio ansam nobis dedit, ut omnem reliquam testium strueturam utriusque sexus scrutaremur.

Anno cl^o l^ocLXIII. præsente D. *Sylvio*, celeberrimo medicinæ practicæ apud Leidenses Professore, dum intestinum rectum ranæ, casu, & quasi invitus aëre repleo, eadem ratione uterus & vesicam urinariam casu detexi: id quod postea occasionem mihi præbuit plura inveniendi. Quæcunque enim casu accidunt, si eadem ratione denuo pertinentur, eundemque effectum sortiantur, indubitatæ fidei experimenta censenda sunt: ideoque obiter omnes, qui experimentis capiendis operam dant, moneo, ut omnes fortuitos casus observent; non ob utilitatem ejus rei modo, quæ magna est, sed etiam, quia res maximæ ut plurimum non nisi casu inveniuntur, nec semper tutum est ratiociniis nostris inniti.

Sed ut ad propositum nostrum redeamus, dum res nostræ eo pede

eo pede procedunt, & in perscrutandis dictis partibus occupatis sumus, factum est, ut *D. van Horne* proponerem, structuram venarum & arteriarum beneficio injectæ rubræ vel virentis ceræ detegi posse: cuius rei cum in arteriis experimentum fecissimus, momento oculi citius omnem earundem planè admirandam, & plus quam artificiosissimam structuram perspicere nobis licuit: & hinc accurata illa harum partium descriptio profluxit, quæ in prodromo *D. van Horne* videre est.

In vermbus & erucis, quod genus insectorum maximam partem humidissimi corporis est, commodissimam semper hanc operandi rationem deprehendi: quapropter vivo etiam adhuc *D. van Horne* hanc agendi methodum me publicè propositurum in meo *de insectis tractatu* promisi: & omne artificium in eo consistit, ut facta circa finem caudæ apertura expressisque intestinis, cutem erucæ intestinis vacuam, immisso in aperturam siphonis tubulo, liquefactâ cerâ adimpleamus. Cæterum ut quam accuratissimè omnia exhiberi possint, duabus opus est erucis, duobusve vermbus aliis, quorum hunc à capite; illum à cauda aggrediari. Sed de usu & utilitate hujus rei alibi pluribus: & certe hæc aliave ejus generis non ipsi modo *D. van Horne*, sed aliis quoque amicis ingenuè exhibuimus, & inter illos *D. de Graef*, cui anno cI^o I^ocLXIII. non pauca in anatomicis curiosa demonstravimus, ut ipse in tractatu suo *de usu siphonis* fatetur: & usque adeo hæc ipsa *D. van Horne* placuere, ut cum evidens eorum utilitas esset, ceu liberalis, curiosus, & prudens Mecænas, omnem mihi opem liberaliter promitteret, perficiendis quæ ex usu videbantur.

Nec verbis defuit effectus. Etenim, cum sumtus omnes in se reciperet, & quæcunque à me parabantur sedulo & cum cura asservaret, liberum mihi ad intima anatomiæ aditum patefecit; hoc solo contentus, quod hæc omnia quandoque in publicos usus redundare posse videret.

F

Neque

Nequeo mihi temperare, quin liberalitatem ejus in in tolerandis sumtibus adducto aliquo specimine deprædicem, Föllem, qualès fabrorum, duplice cavitate instructum parabam, quarum altera aërem excipiebat, exceptum altera efflatabat. Extremitati ejusdem tubulus oblongus, cochleâ adstrictus, adponebatur, quem globus æneus excipiebat, duorum capitum magnitudine. Tubulus ille, in corpore globi in tres vel quatuor alios minores tubulos abibat, qui orificio suo internam globi superficiem attingebant, & aërem à folle acceptum porro in globum deducebant; ab altero globi latere tubulus alius erat, qui exceptum eundem aërem emitteret, & cui diversæ magnitudinis & capacitatis tubuli alii cochlea beneficio annexebantur. Universam follis molem ligneus tripes sustentabat, ut transferri de loco in locum posset: & ne dum in opere eramus, huc illuc vacillaret, adjecta erat linea cochlea, cuius beneficio ad inferius & superius tabulatum astringebatur. Quod si jam ollam ignitis carbonibus repletam globo submitteres, quoctunque aer expressus ferebatur, omnia exsiccabat; ut jam sudorem commodè excitare hoc instrumentum posset: adeoque ipse D. van Horne de eodem in sua introductione ad Chirurgiam, parte altera, sect. 2. paragr. 5. Ad imitationem Sanctorii (inquit) excogitavi aliud instrumentum, follem nimirum, sed longo tubo donatum, in cuius medio globus sit rotundus, qui igniri debet. Transmissus per hunc globum & calcatus aër homini in lecto decumbenti, & laxiori, sed undique clausâ subuculâ inclusò, commodissime & citra lipothymia periculum largè sudorem provocat. Atque hoc ipsum instrumentum etiamnum apud D. a Frieshem, ceu pie defuncti hæredem, videre est.

Longi sermonis res esset, cuncta exequi velle, quæ in anatomicis, sumtus suppeditante D. van Horne tentavimus; & quorum ego ut director semper fui, ita magnam partem designationum eorum exhibere possum: quare his missis, & debita liberalitatis laude prudenti huic nostro Mecenati assignata, ad alia pergimus.

Detecta,

Detecta uti antea diximus , arteriæ spermaticæ fabrica , ad venas , vasa lymphatica , vesiculas seminales , aliasque partes accessimus , & examinatis virilibus tauri partibus , muliebres examinare cœpimus . Primum in quo industriam nostram exercebamus , uterus muliebris erat , in quo examinando cum tubas Fallopianas conferrem cum infundibulo avium , & cornubus uteri in quadrupedibus , quæ ova habent , qualia sunt , chamæleontes , ranæ , lacertæ , salamandræ aquaticæ , & plura alia , quorum nonnulla vivipara sunt , ut lacertæ , disquirere mecum cœpi , essetne aliquod in mulieribus ovarium , vel quid aliud ovario simile . Etenim cum testiculi mulierum , si structuram eorundem respicias ; magnam cum aliorum animantium testiculis convenientiam habeant , & viâ , qua semen ad uterum deferatur , careant ; nec tamen eo minus Anatomicorum antesignani Volkerus , Koiter , Beslerus , aliquique vesicularum , vel glandularum , semine repletatum , mentionem faciant , ubi exitus nullus patet ; tandem D. van Hornejuxta mecum sensit , vesiculas illas , quas nos ova vocabamus , per *Tubas Fallopianas* in uterum deferri , idque ob prædictam convenientiam tubarum cum infundibulo , ovidu-*etu* & cornubus uteri aliorum animalium ; nec non piscium & insectorum quorundam .

Interim dum ita in opere eramus , vaccarum quoque uterum , cornua , vel tubas , & ova examinando , deprehendimus , ova illa cocta instar albuminis ovi gallinacei con crescere , uti postea *Nobilis Viris D. a Beuningen & D. Six* demonstravimus . Atque hæc omnia , ea , quæ se se offerebant ratione , ego non annotabam modo , sed designando etiam adumbrare conabar , quas designationes , quod omnia mea cum amicis communicare soleo , D. Doctori Slado , tunc temporis designato Professori Leidensi , sed quod munus ille subire detrectabat ; ceu amicorum præstantissimo ea lege Amstelædamum transmisi , uti ne cuiquam illas ostenderet , easque redeunti mihi redderet ,

futurum scribens, ut *D. van Horne* illas certis thesibus comprehensas, & ordine descriptas, publici juris faceret, adjectis sub finem epistolæ piis votis, quibus eidem *D. Slado* in expeditione alterius muneris, quod ei post *D. Deimanni* obitum deferebatur, fausta omnia precabar: ad quæ Vir humanissimus statim ita rescripsit:

Amicissime Domine:

Literas tuas, quibus mihi omnia fausta precaris, & tam multa nova & bona transmittis, accepi. Faciam illis ut petis, nec tantum non divulgabo, sed etiam nemini monstrabo nisi ei tantum, cui tu cupis, quem sciam, ubi tu verbo indicare dignatus fueris. Sed quando D. van Horne de illis scribet, quæ recenses? vel theses conficiet? Certe vellem te nihil ad me illorum, vel omnia (de iis loquor, quæ ad testiculos pertinent) scripſiſſes, vix enim fero earum rerum fitim, addo & famem. Vale amicorum optime, & optimorum amicissime.

xiv Dec. Anno. MDCLXVI.

Sed enim absolutis à me, uti dictum est, his delineationibus, uterus muliebris nobis anno cl̄o IɔCLXVII. oblatus est, cuius venæ & arteriæ cerā ex præscripto artis repletæ, & debito modo præparatæ, mihi occasionem suppeditarunt, accuratam illam, quam vergente anno cl̄o IɔcLXXI. edidi figuram, delineandi, & prænobili Viro *D. Nicolao Tulpio*, Consuli urbis Amstelædamensis dignissimo dedicandi. Et hic ille uterus est, de quo prodromus *D. van Horne* loquitur, & qui funesto casu ita malè acceptus est, ut reliquiæ ejus ne umbram quidem uteri referrent. Præterea ex re erit notasse, delineationem illius uteri factam esse cum adhuc madidus, & cera recens in madentes venas injecta esset, quod diversam ab exsiccatis uteris faciem exhibet, ut in quibus venæ & arteriæ multo magis conspicuè apparent: id quod in reliquis duabus figuris, quas hic exhibui, & quæ uterum plane siccatum, actum demum cerā præparatum exhibent, facile appetat.

Interim

Interim inter alia rariora apud *D. a Frieshem* adhuc exstat tuba uteri, cum alis vespertilionum, nec non vasa spermatica alterius uteri cerâ præparata. Econtra in meis manibus est arteria spermatica masculini sexus, optimè in prodromo. *D. van Horne* descripta, cuius arteriæ ipsa etiam capillaria vasa cera viridi repleta sunt. Venarum, quæ ibidem describuntur, aliquæ penes me reliquæ extant, nec non delineatio illarum partium, quæ aliquando forte in lucem prodibit.

Omnibus probe examinatis petii à *D. van Horne*, ut theses inde conficeret & prævio hoc examine, nec non quibusdam circa genitalia virorum denuo perquisitis observationes nostras ederet: & quia cum doctissimo *D. Nicolao Pechlinio*, Medicinæ tunc Studio, nunc Medico celebri, & tractatu suo de purgantibus notissimo, non exigua mihi familiaritas intercedebat, ab eodem, consentiente *D. van Horne* petii, ut in thefibus his defendendis respondentis partes in se susciperet, quod ille lubenter admodum & perhumaniter mihi tribuit.

Nec vero hic præterire possum, me rebus sic stantibus, cum promotionis meæ causa Leidæ hærerem, figuræ meas Clarissimo accuratissimoque Philosopho & Professori *D. de Raei*, præsente *D. Slado* exhibuisse, & observationum nostrarum mentionem fecisse.

Sed quæ rerum humanarum inconstantia est, magna hæc consilia, moriente *D. à Horne* evanescere necesse fuit, nec præter prodromum & pauca aliquot scripta de tanti Viri manu quicquam superest. Ipse etiam prodromus usque adeo festinanter editus est, ut arteriam spermaticam non nisi in bobus examinare potuerit. Ergo, utut prædictus *D. van Horne* certo decreverit observationes nostras publici juris facere, & fama earundem jam ubiq; percrebuisset, atque ipse etiam ego *D. Die merbroekio Ultrajecti*, *D. de Graef Delphis*, nec non Amstelædami pluribus id indicasse, nihil tamen effectum est: quod fortasse *D. de Graef* occasionem dedit, nisi si memoriæ lapsu

id factum est, ut, diceret apud D. van Horne altum de his silentium fuisse; cum tamen D. D. Wannemakeri, D Guequier, D van der Marck, nec pauci alii contrarium testari possint, & figurarum nostrarum partem non semel viderint.

Nec vero destiti, ex quo Leida, deceperam, & D. Pechlinium in Italiam abitum cognoveram, D. van Horne serio monere, ut vel theses, de quibus inter nos actum erat, perficeret, vel brevem quandam descriptionem una cum figuris meis ederet: sed omnia in cassum; ut jam sufficere D. van Horne videretur, omnia, eo quo diximus modo, examinata, & præparata apud se delitescere. Interim, ut aliqua ratione mihi satisfaceret, mense Majo, anni cl^o l^ocLXVII. Leidâ Amstelædamum, ubi paulo ante nos inviserat, ad me scripsit, eo qui sequitur tenore; utjam ex hac ejusdem epistola, & subsequentibus aliis quivis facile conjicere possit, quo jure figuras D. van Horne pro meis edam. Verba epistolæ hæc sunt.

D. JOHANNI SWAMMERDAM Medicinæ Doctori, & amico honorando S.P.

Clarissime D. Doctor: Ab eo tempore, quo Amstelædamo sum profectus, non licuit adhuc, propter varia impedimenta & molestias de seriis studiis cogitare. Spero tamen propediem me pertexurum istam telam, quam circa structuram genitalium partium exorsus sum. Eam autem, quando nitide scripta est, ad te mittam, ut examines, si quicquam sit, quod dignum sit clarius exprimi. &c.

Quicquid tamen promitteret, omnia effectu caruerunt: quod ipsum in causa fuit, ut missis his consiliis, quæ sub manu mea erant figuræ imperfectæ manerent: Interim temperare mihi non potui, quin D. Slido, ordinario nosocomii Medico favente, quasdam aliquando partes genitales virorum examinarem, & balsamo inficerem. Præterea videbam, arteriam spermaticam in Viris longe aliter sese habere quam in tauris:

acjam multo majorem partium genitalium, tam in viris quam mulieribus notitiam, acquirebam cuncta delineando; sed ita, ut nihil horum D. van Horne significarem; non tam quod ægrè ferrem istiusmodi moram, quam quod hanc ejusdem segnitatem fovere nolle: fatis tempestivum hoc futurum putans, ubi jam operi sese accinxisset; in quo tamen errasse me video. Interim xxvii Augusti anno clo lcxvii. has ad me dedit.

Clarissime, & amicissime Domine: Hactenus non licuit mihi propter impedimenta plurima hac urbe excedere. Interea curavi exstrenuum cubiculum loco tibi noto, pro reponendis rarioribus meis Anatomicis: illud autem ferè ad umbilicum deductum est. &c. Exspecto avidè tuas figurarum de testibus delineationes: Mihi enim animus est, statim post elapsas ferias disputationem illam instituere, si Deo ita visum fuerit. &c.

Et cum responsoriis meis eidem significasset, dubitare me, an unquam quidquam de observationibus nostris proditurum esset, & si res aliter caderet, me in eo esse, ut alias etiam partes aliquanto quam hactenus à nobis factum erat accuratius examinandas esse putarem, misso ad me embryone D. Sladum & me invitat, adjectâ hac epistolâ, data xxi Novemb. M. DC-LXVII.

Clarissime atque amicissime Domine Doctor: Postquam ante quadratum tibi missem Embryonem &c. Spero jam te scrutatum esse illum Embryonem, & exspecto aliquid à tua diligentia & curiositate, quod vulgare non sit. Si subjectum fuero natus illic, tibi significabo, & ab hoc tempore te una cum Clarissimo Doctissimoque D. Slado invito ad istas epulas. &c.

Dum hæc de die diem, ut dixi, differuntur, quartana corripior, quæ rei anatomicæ gustum apud me valde imminuit; & quia

& quia D. Sladus ordinarii Medici in nosocomio munus à se abdicaverat, ut jam aditus mihi ultra non pateret, coactus fui his studiis nuntium remittere. Interim D. van Horne oblatum est virginis phreneticæ cadaver, quæ seipsam in aquis suffocaverat, qua occasione D. Sladum & me tribus distinctis literis domum suam invitabat; & cum Leidæ hærerem, *Magnus Etruriæ Princeps Cosm:us 111.* qui nunc serenissimi D. Parentis b. m. loco rebus præest, Leidam venit, & cum D. van Horne observationum suarum circa testiculos mentionem faceret, urgente hoc negotium D. *Principis Serenitate*, maturaturum sese hoc opus serio promisit, sed nullo successu. Interim D. *Marchettus*, qui D. Principem comitabatur, D. *Sylvio*, D. van Horne, aliisque, exemplar *myologiæ* D. Stenonis obtulerat, anno cl^o I^ocLXVII. Florentiæ impressæ. Id dum pervolvo, invenio eundem D. Stenonem, ubi historiam, dissecti piscis ex canum genere pertexit, breviter, & quasi compendio observationem nostram de testibus fœmellarum comprehendere. Verba ejusdem hæc sunt.

Inde vero cum viderim viviparorum testes ova in se continere; cum eorundem uterum itidem in abdomen oviductus instar apertum notarim, non amplius dubito, quin mulierum testes ovario analogi sint, quocunque demum modo ex testibus in uterum, sive ipsa ova, sive ovis contenta materia transmittatur: ut alibi ex professo ostendam, si quando dabitur partium genitalium analogiam exponere, & errorem illum tollere, quo mulierum genitalia virorum analoga creduntur.

Hactenus D. Steno; quibus lectis rediit mihi in memoriam, me ante hac Leidæ, anno cl^o I^ocLXII. in Museo ejusdem D. Stenonis vidisse tubulos semifinales testiculorum muris majoris. Quæ omnia cum D. van Horne renuntiassem, dici non potest, quam ægrè tulerit suam in edendis observationibus tarditatem: ideoque statim D. Stenoni scripsi, nomine D. van Horne, amicè

amicè petens, ne ægre ferret, si in his, quæ utrinque observata essent, à D. van Horne præveniretur: ad quæ Vir candidissimi pectoris Liburno 18 Martii anno CICLCLXVIII. humaniſſime respondit:

Amice optime: Magno cum desiderio Clariſſmi D. van Horne tuasque de testiculis observationes exspecto, tantumque abeſt ægre ferrem, me in eo à Præceptore & amico præveniri, ut sanctè teſter, me non modo ipſius mentionem facturum fuiſſe, ſi tum temporis mihi innotuiſſet; ſed ſimil quo loco meas promitto, illius observationes publico fuiſſe promiſſurum.

Sed quam facilis D. Steno fuit in remittendo suo jure, tam D. van Horne generosus erat in repudiando quod ultro offerebatur, nec unquam induci potuit, ut edendo sua quasi alienæ laudis æmulus videretur. Tandem D. de Graef, cum quo diu ante de occupationibus D. van Horne multus mihi ſermo fuerat, eundem *observationibus suis de partibus genitalibus virorum prævenit*, otium ſibi & occasionem defuile dicens, quo minus genitalia mulierum examinare potuerit. Hujus Viri prodromus cum exiſſet, D. van Horne binis literis à me & D. Slado quæſivit, quid rebus ſic conſtitutis agendum eſſet. Sedenim quod tum temporis ab urbe abeſſem, & D. Sladus per meam absentiam respondere nollet, ille conſilium in arena capit, & ut omnem materiam litium præſcinderet, *prodromum illum*, de quo principio hujus operis egimus, ceu breve quoddam observationum noſtrarum *quindecim mensibus collectarum compendium* emittit, nulla mei facta mentione, quod homini bene de me merito facile largior, nec unquam, quod qui-dem ad hanc rem attinet, in publicum prodiuiſſem, ſi ea, quæ nunc exhibeo, exſpectari à manu piè defuncti poſſent.

Sanè poteram alias etiam D. van Horne literas producere, quibus laudem observationū ſuarum mecum ultro communica-

nicat: sed non defunt rationes, quæ contrarium mihi persuadent. Quare cum in annis MDCLXVIII. & LXIX. totus inscrutanda insectorum natura fuerim, nec quicquam tum minus quam anatomica tractaverim, aut delineandis istiusmodi figuris operam dederim; contentus ero tres quatuorve ejusdem *D. van Horne* literas per hæc tempora ad me scriptas adduxisse, quarum prior ipsis Calendis Maji, anno MDCLXIII. data est, hoc tenore:

Amicorum optime; Tempus est ut rumpam claustrum silentii, ita tumet mihi σύνης quotiescumque de te cogito, quod sanè persæpe facio. Quotus quisque enim tuo suavissimo contubernio non delectetur: Male fit isti febri, quæ invitis omnibus bonis tuo consortio adhuc fruitur, hac præsertim vernantis anni tempestate, quæ alias solet esse ανησκάν. Sed dabit, Deus tibi propediem spero quod optamus. Nescio an Febris in causâ fuerit quod ulteriores Tuas observationes circa muliebres partes non transmiseris. Accepi enim illas, quas circa viriles tibi placuit mihi communicare, de quibus tamen plene tuam mentem asscutus non sum, quia carebam delineationibus, quas rogo ut alia vice adjungas &c.

Sequitur secunda, vigesimo sexto Julii ejusdem anni ad ad me data, quâ fasciculum delineationum per me absolucionarum transmittit:

Amicorum dilectissime: Forte fortuna ingressus cubiculum, in quo collegia habere soleo, offendō ibidem fasciculum delineationum tibi notarum, quas proinde ocyus ad te mitto, sperans te promissorum memorem fore; easque quamprimum absoluturum, ut æri tradi possint incidendæ &c.

Fâ, quæ sequitur, & quinto Januarii, anno MDCLXIX. data erat, serior id agere videbatur, ut quæ diu ante observata erant, tandem in lucem prodirent: & eram tum temporis, ut jam antea monui, aliis occupatus. Verba epistolæ hæc sunt;

Clarissime Vir amice dilecte: Postquam tibi gratulatus fuero, ut & D. Parenti, fratri, sorori quæ felicissimum novi hujus anni auspicium, id solum dicam, me summa animi moderatione exspectasse figuræ illas,

illas, quas delineandas susceperas. Attamen cum audiri�em Illustriſſ. D. Thevenotum Amſtelædami eſſe, cuius ſodalitio te conveniebat intereffe quotidie, æquiore animo moram tuli. Nunc mihi è nosocomio oblatum eſt ſubjectum virile, quod diſſecare iſtituam, Deo annuente craſtino die dominico, poſt concionem pomeridianam. Rogo itaque obnixè, ut mihi digneris affiſtere, mihi queſecanti manum porrigere. Aderit quoque Illustriſſ. D. Thevenot, uti mihi oretenus promiſit. Avola ad nos quantocyuſ, & ivenies ſtratum tibi paratum. &c.

A qua non multum abit alia ejusdem *D. van Horne*, octavo Martii anno MDCLXIX. ad me data epiftola, cuius hæc verba ſunt :

Clarissime & amiciffime Domine : Naclus ſum muliebre ſubjectum: ſi vacat huic excurrere, rem feceris gratiiffimam: Sed quæſo ſimul adferas figurarum delineationes: neque enim audeo negotium hoc amplius procrastinare. Die dominico, hora pomeridiana muliebria vafa aggrediar separare, ut lunæ eadē poffim oſtendere.

Et hæ ferè ſunt illæ literæ, quas poſtremis hiſ temporibus *D. van Horne* illius negotii cauſa ad me dedit: nec diu poſtea ſupervixit, ut qui decimo quinto Januarii, anno MDCLXX. diem ſuum obiit, magna rei anatomicæ jactura, nec ſine inſigni meo mœrore, ſed quæm ut plura alia concequere neceſſe fuit. Interim hæc tanti Viri præmatura mors documento mihi fuit, nihil in rebus humanis eſſe, cui tuto inniti poſſis, præter virtutem, & vana eſſe omnia, quæ huic nos non perducunt, quo-cunque etiam titulo ſeſe commendent; ut jam illos tantummodo beatos æſtimem, qui procul a metu & ambitione ſua forte contenti vivunt, & ipsi fortunæ ſuę proram & puppim faciunt.

Scribebam Amſtelædami, quinto Martii,
anno MDCLXXII.

A P P E N D I X.

Ex his quæ jam dicta sunt , facile patet , *Lector benevole* , quod principium , quem successum & quem finem conatus & molimina *D. van Horne* , circa partes genitales virorum & mulierum habuerint : eademque ratione luce meridiana clarius patet , quo jure ediderimus illam , de qua supra egimus , uteri virginis figuram . Sed enim cum *D. Steno* , primus , quod sciam , partes seminales mulierum descripscerit , *ovarii* mentione facta ; atque ipse etiam *D. van Horne* eidem hujus inventionis laudem generose tribuerit , in utrumque injurii essemus , si quam *D. Steno* tanti corrivalis assensu & judicio promeruit palmam , alteri cuicunque tribueremus : & hoc ipsum in causa est , cur solidæ eruditionis Vir *D. Henricus Oldenburg* , Regiæ societatis apud Anglos Secretarius , anno MDCLXIX , transactione trigesima quarta , de prodromo *D. van Horne* agens , lectorem ad *D. Stenonem* remiserit , utut ea , quæ prodromo continentur , & hanc materiam porro spectant citra ullam inventionum *D. Stenonis* notitiam , a *D. van Horne* jam tum ita disposita essent , ut certis thesibus comprehendenda fuerint . Sed quomodo cuncte hæc fese habeant , nemo opinor erit , qui neget , *D. van Horne* illum esse , qui primus docuerit , I. certam & perspicuam rationem distributionis vasis præparantis ad uterum , tubam & testes . II. Notabilem conjunctionem arteriæ spermaticæ cum hypogastrica , quæ serpentino ductu per latera colli ascendens , structura sua multis imposuisse videtur , putantibus , hunc seminalis materiae ad collum uteri meatum esse . III. Plurimos minutosque meatus in glandulosa osculi uteri substantia . IV. Aperturam tubæ uterinæ in ipso utero , ejusdemque usum , & qualiter cuncte cum cornubus brutorum animantium convenientiam . V. Primus *D. van Horne* docuit , ligamenta rotunda non nisi ex venis & arteriis constare : & cum hæc omnia a *D. van Horne* jam antea , anno M. DCLXIX . de-
scripta ,

scripta, & anno C I C I C LXXI mediante figura , quæ haec tenus desiderabatur, à me illustrata sint, satis mirari nequeo, *D. Regnerum de Graef* in suo de mulierum organis tractatu , mense Martio hujus anni C I C I C LXXII edito , illa omnia sibi non minus audacter quam impudenter arrogare , dum in dedicatione sui operis aliquid in professione suæ artis haec tenus irreperatum sese tradere jactat, & ubi semel veritatis limites transgressus est, sententiam *D. van Horne*, de ovi ex ovario per tubas Fallopianas in uterum transitu, cap. xiv. *de oviductibus mulierum* suam facere non veretur , & ceu plane novam venditat. Quin ubi longam seriem Clarissimorum Virorum negat, qui de vasis deferentibus egerunt, solus *D. van Horne*, cuius prodromum , anno C I C I C LXXX. emissum , vidi legitque, vel ut umbra volitat, nec dignus est, qui in hoc cœtu. Illustrium Virorum compareat: ac ne ipse quidem *D. Steno* , primus ovarii autor , aliquam in hoc judicio standi personam habet. Taceo *D. Kerckringum* , qui anno ante dictum *D. de Graef* ichnographiam suam Anthropogeniæ edidit. Quod si jam quisquam querat, quid hæc *D. de Graef* molimina sibi velint? in promptu erit responsio: nimurum , quia propriis destituebatur , alienis plumis opus erat, quibus sese exornaret. Intervim tamen de capacitate hominis dubitare nemo potest, cum vas a lymphatica uteri , ingeniosè , solius ope imaginationis adumbrare potuerit, insuper habita eorundem non parum diversa designatione, quam multæ experientiæ vir, & Chirurgiæ apud nos Praelector *D. Ruisch* dedit, & quæ capite LI, Chirurgicarum observationum accurati *D. Jobi van Mekeren* videre est. Sedenim ingeniosa hæc *D. de Graef* adumbrandi ratio in causa est , cur minus fidei ei tribuam in vasorum uteri aliarumque rerum designationibus, ut quibus per omnia cum rei veritate non convenit: idemque meus de foliaceo ejusdem tubarum ornamento (ita laceras fimbrias, tubarum *FallopI* vocat) sensus est, ut quod nunquam ita dispositum vidi. Nec tamen negaverim,

istiusmodi quid à *D. de Graef* exhiberi posse, quod ne mihi quidem difficile factu foret: sed fictitium hoc ornamentum tubis proprium esse, & quod *D. de Graef* sæpius iterata ejusdem designatione inculcat, ordinariè & semper in tubis reperiri, id vero pernego. Etenim in tot, quot disseciui, uteris, nihil istiusmodi vidi: nec inter uteros, quos penes me servo, temere quenquam invenias, qui aliquam illius ornamenti ideam referat: cum econtra uterum exhibere possim, qui *fimbrias Fallopianas* pannorum attritorum, earundemque vasorum usque adeo accuratè refert, ut microscopia ferat, & miraculo sit in tuentibus, nullo apparente foliorum istiusmodi ornamento. Et errat certe graviter idem *D. de Graef*, dum tabula XII & XIII. sui operis, dissectis per medium utero & vaginâ, arterias & venas uteri contra naturæ & veritatis leges exhibit. Etenim, quod probè notandum est, tot in uno latere venæ & arteriæ inveniuntur, quot in altero: ideoque omnibus bene perpendiculariter asserere non dubitamus, figuræ ejusdem *D. de Graef* ad vivum (ut vocant) non adumbratas esse: & hæ tamen figuræ illæ ipsæ sunt, quas vanâ gloria fese mihi ostendisse antea quam ederentur jactat: & vidi, sed culpavi: ipse tamen in epistola sua ad celeberrimum *D. Schachtium* illas quam accuratissimè delineatas esse asserit. Ergo hanc gratiam Viro, praxi, & ut ipse quidem ait, commercio cum eruditis hominibus occupato tribuamus, ut quod ipse accuratum esse dicit, nos accuratum esse credamus, nec dubitemus, hactenus irrepertum esse, quod ipse edidit, utut *D. Steno*, *D. van Horne*, & tandem *D. Kerckring* longè ante illum publicis literarum monumentis id ipsum ediderint. Et de his quidem hactenus. Ergo ut concludamus, missis verborum ambagibus, si qui sunt, quos hæc cura proprius tangit, & qui ventosif *D. de Graef* propositionibus decepti, quid aut cui credant non habent, nos adeant, & insigne discrimen inter figuræ dicti *D. de Graef* atque rem ipsam oculis animisque hauriant.

Interim,

Interim, dum in eo sum, ut reliquas figuræ, quæ desiderantur, una cum observationibus meis edam, tergo quisquis es *benigne Lector*, & rogo serio, ne ex affectu dictum putes, quod experientia dictante dictum est: si qua enim præter hæc, quæ attigi, alia sunt, ut sunt cuniculorum brutorumque dissectiones, tantum abest, ut ea improbem, ut multo potius albo calculo notanda esse, & industriæ laudem mereri statuam: & habet hoc exercitii genus suam semper utilitatem; nam & mihi, dum hæc scribo, contigit, in cuniculo invenisse clitoridem: utjam nullibi non manifesta sint divinæ sapientiæ & summi vel in abjectissimis animalibus artificii vestigia. Soli ergo Deo sit honor, laus & gloria in seculorum secula. Amen. Scribebam Cal. Maji, anno CICLXXII.

CORRIGENDA.

Minoris momenti errata benevolus Lector facile corriget. Quæ turbare attentionem legentis poterant, hæc fere sunt:

Pag:	lin:	err:	corr:
7	22	pro & cum	lege & sub.
8	5	LXIX.	LIX.
	20	tubuli,	lobuli
11	11	fructuram	agitationem.
14	17	non paulo	jam paulo.
24	30	uteri	tuba.
26	1	ab aliis reservantia vesicu-	

Iazum seminalium: Suppleatur ex *Harvæo*: Ab aliis spiramenta utsri; ab aliis vasa semen deferentia, aut reservantia censentur: tanquam essent de genere vesicularum seminalium.

E L E G I A,

*In nova reperta D. D. SWAMMERDAMMI
Anatomici Amstelædamensis experientissimi.*

Dum miranda doces & nulli cognita sæclo,
Dum pandis, tenebris eruta *Cimmeriis*,
Quæ *Batavos* latuere meos, quosque *Itala* tellus,
Et, quos fert dextros terra *Britanna*, viros,
Pergameis, horret, sacris operata, juventus,
Dædaleasque artes *Ars* stupet ipsa tuas:
Nec falli potuisse dolet, cum, turgida cerâ,
Turgida purpureo sanguine vasa, putat;
Nec didicisse pudet, dum, tam mirabile visu,
Quod minima efficiunt vascula, reticulum,
Et *Splenis* fibræ, *Fecorisque* arteria multa
Monstratur, nulli tam bene visa prius.
At gestit vovisse tibi (licet aurea docto
Aurea sint capiti debita sertæ tuo)
Ut, dum fundit humus flores, pater ipse, corollas,
Artis, cum *Charisin*, nectat *Apollineas*;
Quæ cunctos ævi valeant eludere morsus,
Quæ diu spirent Nectar & Ambrosiam.
Et semper tibi sint distenta alvearia cerâ,
Et te melle suo sedula pascat apis.
Ut ductus reperire novos, invenisque suavi
Eloquio possis erudiisse senes.

Cecinit amicus amico.

Q. Z.

I
Swammerdam
1672

105

